


---

This is a reproduction of a library book that was digitized by Google as part of an ongoing effort to preserve the information in books and make it universally accessible.

Google™ books

<https://books.google.com>





~~24. 8. 15.~~

~~854  
E. 2~~

~~841  
A 17~~

854

F13















# מקוה ישראל

*Hoc est,*

S P E S

I S R A E L I S.

*Authore*

MENASSEH BEN ISRAEL

Theologo & Philosopho Hebræo.

*Menasseh ben Israel*



AMSTELODAMI

ANNO 1650.

Viri Illust. Isaaci Vossii.



S V P R E M O  
A N G L I Æ C O N S E S S V S  
P A R L A M E N T O,

*ejusdemque Reipublicæ Status Con-  
silio Honorando,*

Salutem, ac felicitatem omnem, a  
Deo apprecatur

MENASSEH BEN ISRAEL.



On una sunt causæ,  
sz, A V G V S T I P A-  
T R E S, quibus mo-  
veri certum est il-  
los, qui meditatio-  
nibus suis toti ter-  
rarum orbi prodes-

se student, ut, quæ publici juris  
faciunt, opera potentioribus nun-  
cupare, ac inscribere, soleant. Ni-  
mirum alios, & plerosque ferè, spes  
agit avara, ut vel numisma aliquod,  
vel vasa auri, & argenti, lucrentur;  
sæpe etiam, ut vota, ac suffragia,  
sollicitent, si quod sibi, vel suis for-  
tè prestandum sit munus; alios fan-  
ctior ac sincera amicitia, ut ita palàm  
faci-

faciant amorem nitentium, & affectum, quo & ipsi eos, quorum titulis librorum frons munire, prosequantur. Placeant illi, placeant hi, quibuscunque hic vel impius, vel pius, aridet dedicantium scopus, nihil magis illi probandi veniunt, qui eo hæc faciunt animo, ut non se, non suos, sed bonum publicum commendent. Ego quidem, PATRES AVERSI, dum in operis huius nostri vestibulo vos compello, sanctè affirmare possim, non aliâ adductum ad id me causâ, quam ut gentem nostram toto pene divisam orbe favori, ac benevolentiz vestre, infinè. Neotamen hoc ita à me factum existimetis, quasi nescius sim, quam impense hæcenus faveatis Nationi nostræ. Nampe innotuit mihi & nostræ Gentis aliis, penes eos, quibus ita se libris esse licet, ut sanctus vestros observent propius, quam non votis modò nos juvare, ac promoverè dignemini. Sed enim hoc ipsum me impulit, ut in publico Vos alloquerer, ac pro benevolò isto in nos affectu gratias agerem,

rē, non quales ore saltem proferri so-  
 lent, sed quāta vel a gratissimo quoq;  
 animo concipi possunt. Dabitur igitur  
 veniā mihi, A V G U S T I P A T R E S, si  
 Vos rogare auriū, ut ulterius amare  
 nos, ac bono nostro favere velitis. Sanē  
 magis accedimus ad divinitatē homi-  
 nes, qui quāto crescimus magis, tanto  
 etiā magis minores ac imbecilliores,  
 fovemus, ac tuemur. At quanto vos id  
 facitis studio, A V G U S T I P A T R E S.  
 Licet ad supremū felicitatis fastigiū  
 ascendisse videamini, ita tamen non  
 modo nō despiciis inferiores, sed imo  
 bene vultis ijs, ut eorum calamitas &  
 vos tangere videatur, nam quā Deo  
 sit grāti sius, qui beneficientibus be-  
 nefacere amat. Et certō hinc est, quod  
 fortissimo animo, & ausu non usitato  
 res adeo magnas, & inter gentes ma-  
 gno opere observandas egeritis prom-  
 pte. Si patet totus ad hanc mundus,  
 omniumq; Vos conversi sunt oculi,  
 ut observent, quo evasura sint, quae  
 summas ille rerum Arbiter orbi terra-  
 rū inducere velle videtur per varias  
 tot rationū mutationes tā insigniter

nota-

notabiles. Ita nempe suū sortiuntur, ac  
fortiētur, effectū illa, quæ per Prophe-  
tas prædici voluit; quæ omnia impleri  
necesse est, ut sic ad extremū reducto  
in locū suū Israele restituatur mundo  
promissā sub Messia Pax, & unica illa  
bonorū omniū genitrix Concordia.  
Hæc fusius paullo prosequor, & ostē-  
do, in hoc, quē vobis dico, ac consecro  
tractatu, A V G V S T I P A T R E S. Non  
sanè latere vos possit, quā Statibus, &  
Statuū Consiliarijs, nō inutile, sed imo  
proficiuū valdè sit ad præconcipiendū  
humanarū deliberationū exitum, qui  
seper tamē in manu Dei est, ut futu-  
ros rerū evētus, quos Deus per Spiri-  
tū suū in Sāctis Prophetis præfinivit,  
observare, & ex sacris oraculis intelli-  
gere, possint. Non ingratum erit vobis  
hoc, scio, quodcunq; est operis: quod  
vel ideo hilari, ac serenā fronte acce-  
pturos vos cōfido, quia & nationē no-  
strā, & in eā Autorē huius opusculi a-  
metis. Id verò certi fitis obsecro, con-  
tinuas me ad Deum pro felicitate ve-  
strā preces fundere. Ita valete, A V G V-  
S T I P A T R E S, ac florete felicissimè.

## Lectori Benevolo.

DE origine Americanorum, ac primis  
 Novi Orbis, Indiaque Occidentalis,  
 incolis, tot sunt sententiae, quot capita.  
 Nampe cum, quorquor fuerit, ac sunt homi-  
 nes, a duobus istis protoplastis Adamo, &  
 Eva, procedant; & consequenter post di-  
 luvium a Nocho: ac videatur novus iste  
 orbis planè separatus a veteri, oporteatque  
 ex aliqua trium reliquarum mundi parti-  
 um, Europa, Asia, & Africa, illac transisse,  
 dubitatum fuit, quam fuerint gentes il-  
 lae, ac unde prodierint. Siquidem autem  
 veritas istius rei partim ex antiquis Histe-  
 riis deducenda sit, partim ex conjecturis,  
 a vestitu, a lingua, a moribus, quae ta-  
 men pro natura hominum ac genio vari-  
 ant; sit ut difficilior ea inveniri queat.  
 Omnes ferè, qui magnè industriâ terras  
 istas perlustrarunt, in diversas ivere sen-  
 tentias. Nonnulli volunt laudem inventae  
 Americae deberi Carthaginensibus, alii  
 Phœnicibus, siue Cananeis; alii Indis,  
 siue Chinenfibus; alii Norwegis, alii in-  
 sula Atlanticae insulis; alii Tartaris; alii  
 decem



*decem tribubus. Omnes revera opinio-  
nem suam firman, non modo non veri-  
similibus argumentis; sed levibus conje-  
cturis, ut in progressu brevissimi huius ope-  
ris nostri videbitur. Ego quidem exami-  
natis curiosius quaecunque haecenus hac de  
materia scripta fuere, non invenio aliam  
magis verisimilem, nec magis rationi con-  
sentaneam, quam Montezini nostri, opi-  
nionem, dicentis primos America Incolas  
fuisse Israelitas ex decem tribubus; quae a  
Tartaris bello victae, ac fugatae, post montes  
Cordilleras, ita nempe volente Deo, se ab-  
scondere. Ostendo simul, quod, ut non unis  
vicibus e terris suis expulsa sunt, ita per va-  
rias provincias fuerint dispersae, ut in Ame-  
ricam, in Tartariam, in Chinam, in Medi-  
am, ad Fluvium Sabbathicum, in Aethiopiam.  
Probo x tribus non rediisse unquam ad se-  
cundum templum, servare adhuc dum le-  
gem Moysi, ac sacros ritus nostros; ac tan-  
dem cum duabus Iudae, ac Benjaminis, tri-  
bubus in patriam redituras, atque re-  
gendas esse ab uno Principe, qui erit Mes-  
sias filius Davidis. Nec dubium esse, quin  
propinquum sit felix illud tempus, multis  
doceo; ubi videbis, mi Lector, varias hi-  
stori-*

*Historias memoratu dignas, ac compluriam veterum prophetarum vaticinia summo cum studio, ac cura singulari, explicata. Quæ operis huius nostri sit dignitas, quantumque ob laborem hunc mihi debeat mea natio, piorum ac doctorum iudicio relinquo lubens.*

*Inscribitur vero מקור ישראל Spes Israelis, quod nomen deducitur à cap. 14. v. 8. Jeremie: Spes Israelis Salvator ejus. Nam scopus hujus operis est, ostendere spem, in qua vivimus, de adventu Messia, esse de bono futuro, arduo, sed infallibili, quia fundatur in absoluta promissione Dei benedicti*

*Et quia meditor continuationem Iudaicæ Historiæ Iosephi, insignis Historici nostri, rogo, atq; obsecro omnes viros doctos, quacunque in mundi parte vivant, ad quos brevi tractatus hic noster, ut spero, perveniet; ut si qua videant æqua posteritate digna, in tempore ea me monere velint: præterquam enim, quod multa Iudeorum gesta, multas item Historias collegerim ex Hebraeis, Arabicis, Græcis, Latinis, alijsq; aliarum gentium auctoribus; pluribus hoc in conatu indigeo. Quæ omnia præstare libet, ut placeam nationi meæ; at magis ad gloriam Dei benedicti; cujus regnum est sempiternum, & verbum infallibile.*

**Auctores aliarum nationum, qui ci-  
tantur in hoc tractatu.**

**A**

*Abrahamus Ortelius*  
*Agathias.*  
*Augustinus.*  
*Alexis Vanegas.*  
*Alfonſus Cemedro.*  
*Alōſus Auguſtiniāus*  
*Alonſus de Erzilla.*  
*Alonſus Venerus.*  
*Arias Montnanus.*

**B**

*Baronius.*  
*Beroſus.*  
*Boterus.*  
*Bozius.*

**C**

*Conſtantineus.*

**D**

*Diodorus Siculus.*  
*Dion.*  
*Durretus.*

**E**

*Eſelius Geradus.*

*Enſebius Ceſarienſis*

**F**

*Famianus Strada.*  
*Franciſcus de Ribera*  
*Franciſcus Iopes de*  
*Gomara.*

**G**

*Garcilaſſus de la Vega*  
*Genebrardus.*  
*Goropius.*  
*Guil. Poſtellus.*  
*Guilielmus Blawius*  
*Guil. nchikardus.*

**H**

*Henricus Alangre.*  
*Hugo Grotius.*

**I**

*Iacobus Verus.*  
*Ioan. de caſtillanos.*  
*Ioan. de Bairos.*  
*Ioan. Roman.*  
*Ioan. de Laet.*  
*Ioan. Huarte.*

*Josephus d' Acosta.*

*Ioan. Linschoten.*

## L

*Lescarbours.*

*Lucanus.*

## M

*Manuel Sá.*

*Marcilius Ficinus,*

*Marinus,*

## N

*Nicolaus Trigautius*

## O

*Origines.*

*Orosius.*

*Osius Lusitanus.*

## P

*petrus de Cieza,*

*plancius.*

*petrus Simon.*

*petrus Hernandez  
de Quiros.*

*Petrus Teixeira.*

*Pineda.*

*Plato.*

*Plinius.*

*Pomarius.*

*Preclus.*

*Porphyrius.*

*Possevinus.*

*Plutarchus,*

*Picus Mirandula-  
nus,*

*Ptolomæus.*

## S

*Semuel Bochartus.*

*Solinus.*

*Strabo.*

*Suetonius Trāquillus*

## T

*Tacitus.*

*Thomas Matvenda.*

## X

*xenophon.*

## Z

*Zarate.*

Talmud Hierosolymitanum.  
 Talmud Babylonicum.  
 Paraphrasis Chaldaica.  
 R. Simhon ben Iohay.  
 Seder holam.  
 Rabot.  
 Halakot.  
 Tanhuma.  
 Ioseph ben Gurion.  
 R. Schadia Gaon.  
 R. Moseh de Egypto.  
 R. Abraham Aben Ezra.  
 R. Selomoh Iarhi.  
 Eldad Danita.  
 R. David Kimhi.  
 R. Benjamin Tudelenfis.  
 R. Moseh Gerundenfis.  
 R. Abraham bar R. Hiya.  
 Don Ifhak Abarbanel.  
 R. Ioseph Coen.  
 R. Abraham Frisol.  
 R. Mordechay Iaphe.  
 R. Mordechay reato.  
 R. Hazarya a-Adomi.

# RELATIO

Antonii Montezini.

**D**ie 18 mensis Elul Anni 5404  
à creato mundo, vulgo 1644. ve-  
nit in hanc urbem Amstelodamum Aron  
Levi, aliàs, Antonius Montezinus, ac  
narravit Domino Menasseh Ben Israël,  
aliisque nationis Lusitanicæ primatibus,  
dictæ urbis incolis, hæc, quæ sequuntur.

Duos nempe esse annos, ac dimidium,  
quòd ille ex portu Honda in India Oc-  
cidentalì profectus ad jurisdictionem Pa-  
pianis, in provinciam Quiti, conduxe-  
rit aliquot Indi cujusdam, cui nomen erat  
Francisci Castellani, mulos; atque in suo,  
aliorumque Indorum, comitatu fuisse ali-  
um nomine Franciscum, qui ab omnibus  
Cazicus vocaretur. Accidisse verò, ut,  
iphs montes cordelleras transeuntibus, in-  
gens exoriretur tempestas, quæ mulos  
onustos in terram dejiceret. Egrè id,  
ac malam tempestatem, ferentes In-  
di inter se quisque sua enumerabant

damna; agnoscentes tamen, omne id, de  
 graviora, ob peccatum numerum se me-  
 ritos, Franciscus patienter hac ferre iussit,  
 brevi nempe exin tempore quietem na-  
 cturos. Indignos eâ se esse fatebantur re-  
 liqui, immo verò insignem illam crudeli-  
 tatem ab Hispanis exercitam à Deo im-  
 missam, eò quod malè adeò excepissent  
 populum ejus sanctum, atque omnium in-  
 nocentissimum. Iam igitur quid consecra-  
 rant via, cum in ipso montis vertice subsi-  
 stere, ac nocte transigere, constituerent. Hic  
 ex pyxide aliquâ accepta quedam præter  
 caseum, ac panem, bellaria Francisco obtru-  
 lit Montezinus, exprobravitque ei in Hi-  
 spanos cõtumeliosius dicta. Respondit autẽ  
 ille, ne dimidiam quidem partem miseria-  
 rum, ac calamitatum à populo crudeli a-  
 deò, ac inhumano illatarum sibi enarra-  
 tam; sed nò inultos hac se esse passuros, sup-  
 petias vindicantibus laturo populo aliquo  
 incognito. Finito colloquio urbem Indo-  
 rum Carthagenam petiit Montezinus, ubi,  
 inquisitione habitâ, in carcerem conjectus  
 fuit. Oranti autem Deum talia exci-  
 derant verba: Benedictum sit nomen  
 Adonay

*Adonay, quòd non me fecerit idololatram, barbarum, nigrum, aut Indum; cumque dictâ Indi voce sibi ipsi succensere videretur, ac diceret, Hebraei sunt Indi; dein rursus, ad se rediens, nugari se agnovit; Et an Hebraei possunt esse Indi? subjunxit. Secundo tertioque easdem reiteranti preces, ac reliqua addenti, in mentem venit, non fortuito aliquo casu ita se habi. Ruminatus igitur subinde ea, quæ ab Indo audiisset, diligentius omnia sciscitaturum se, usquequò veritatem omnium resciret, continuoque ac ex carcere dimissus esset, quaesitum se Franciscum, omniâque ab illo dicta se repetiturum juravit. Libertati itaque divinâ favente gratiâ redditus ad portum Honda concessit, invenitque pro voto hominem, quem sermonum in monte habitorem meminisse se dicentem, rogavit Montezinus, an non aliquod ingredi iter secum vellet, omneque offerenti officii genus, tres dedit imperiales, quibus necessaria quæque sibi compararet. Iam urbe excesserant, cùm Montezinus Hebraum se*



esse ex tribu Levi, Deum suum esse Adonay, cateraque omnia nil nisi vana esse ludibria Indò retulit: qui, hac miratus, parentum percunctatus est nomen; dicentique, Abrahamum, Isaacum, & Iacobum; an non alius est tibi pater? ait, annuente, ac patrem Ludovicum Montezinum vocanti, nondum acquiescens ille, modo, inquit, gaudeo, cum hac te dicentem audio; modo eò reducor, ut tibi non credam, siquidem parentes tuos videris ignorare. Hec ita esse, uti dixerat, jurantem Montezinum, an non filius Israëlisset, longiorem sermonem exosus, rogavit: qualem cum esse didicisset, prosequi iussit, quod ceperat; addiditque, melius dein mentem explicaret, eò quòd antè ita fecisset dubium, ut nihilo certior unquam reddi posse videretur. Postquam verò consedisset uterque, ac refecisset corpus, rursus ita auspicatus est Indus: Quòd si tibi is est animus, ut audeas me ducem sequi, scies, quaecumque scire aves. Id verò te velim monitum, pedibus tibi hoc, quodcunque est itineris, faciendum esse, vescendumque tantum cibo hoc assa-

to (Mayz) nec quicquam eorum omittendum, quia tibi dixero. Morem gesturum se in omnibus regessit Montezinus. Eum sequenti itaque die, qui luna erat, rursum accessit Cazicus, iussitque quidvis, quod gereret in pera, abjicere, alpergatas induere, ac, sumto baculo, se sequi. Relictis igitur à Montezino pallio & gladio, aliisque quæ habebat; iter ingressi sunt, ferēte Indo in tergo tres mensuras istius Mayz, duos funes, alterum nodis plenum, cum unco bidenti, ad ascendendum montem; solutum alterum, ad paludes, fluviosque transeundum, cum securicula, & alpergatis. Hunc in modum accincti per totam hebdomadam, usque ad Sabbathi diem, iter promovēre; quo quieti dato, postridiē progressi sunt usque ad Martis diem, quo circa octavam matutinam ad fluvium Duero non minorem devenere; dixitque tum Indus: videbis hic fratres tuos; factoque ex duabus Xyli syndonibus, quæ cinguli loco ipsis erant, vexillo signum dedit; quo facto viderunt ab altera fluvii parte fumum densissimum, ac momento post tale etiam signum dari ejusdem generis

*ris vexillo. Paulo post tres viri unâque femina in scaphula quadam eos accessere, qua jam appulsa, femina in terram prostiliit, ceteris in scapha manentibus. Illa itaque habito longo cum Indo sermone, quem non intellexerat Montezinus, in navem rediit, ac, quacunque ab Indo accepisset, tribus istis viris retulit: qui, continuè fixis in ipsum oculis, è naviegressi, ac Montezinum amplexi sunt, secutâque eorum exemplum est femina, quo facto unus rursus navem ascendit: ac cum ad duorum & feminae pedes se incurvâset Indus, illi perquam humaniter eum excepere, cumque ipso multa contulere. Paulo post Indus Montezinum bono animo esse iussit, & non exspectare, ut secundâ viçe ab illis conveniretur, prius quam bene animadvertisset illa, quæ primo ipsi dicta essent.*

*Tunc verò duo isti viri, utrumque Montezini latus regentes, vers. 4. cap. 6. Deut. Hebraicè pronuntiavere: S E-  
MAH ISRAEL ADONAI ELO-  
HEN V ADONAI EHAD. Id est;  
Audi Israel, D. Deus noster D. unus est.*

Dein rogato interprete Indo, quomodo quæque in Hispanico idiomate essent enuntianda, talia Montezino dixerere, factò tamen parvo post quamque periodum habitam intervallo.

I. Patres nostri sunt Abram, Isaac, Iacob, & Israel, & quatuor istos tribus digitis erectis representabant. Jungebant dein Ruben, tribus digitis uno addito.

II. Varia datimus loca iis, quibus animus fuerit nobiscum commorandi.

III. Iosephus habitat in medio maris, factò duobus digitis compressis signo, ac dein separatis.

IV. Brevi, dixerere, citissime loquentes, quidam nostrum exhibunt ad videndum, & conculcandum, quo dicto nictârunt, ac terram pulsârunt pedibus.

V. Omnes colloquemur aliquando, pronuntiantes ba, ba, ba, & exilimus non aliter, ac si ex terra matre prodissemus.

VI. Ille nuntius aliquis.

VII. Franciscus de his dein paulo plura dicet, digitis signum facientes, non multa dictum iri.

VIII. Permite nobis, ut nos preparemus; & motis undique versus manibus, ac ore, ita orabant Deum: Ne diu differ.

IX. Mitte duodecim homines, signum facientes, barbato se velle, ac scribendi gnaros.

Finito colloquio, quod per integrum durârat diem, idem, sequentibus Mercurii, & Iovis diebus, reversi reiterabant, nullo verbo insuper addito. Persus ad finem Montezinus, quod nihil ad rogata responderent, nec permitterent, ut Fluvium trajiceret, in scapham se proiecit. Sed ab illis expulsus baculo in aquam cecidit, non sine magno vitæ periculo inde ereptus, eò quòd natare non posset. Reliqui verò ex undis extracto, noli, inquebant irati, tentare transitum, nec plura investigare, quàm tibi indicamus. Quod ipsi quoque explicabat Indus, reliquis idem signis variis, ac verbis docentibus.

Notandum est, cymbam istam toto isto triduo nunquam eodem mansisse in loco; sed, quatuor, qui venerant, abeuntibus, alios

alios rediisse quatuor, qui quasi uno ore omnes novem illos supra dictos articulos repererent; numerum venientium, & abeuntium, ad trecentos quasi excreverunt.

Homines isti paululum à sole adusti sunt, alique promissas usque ad genua comas, alij breviores, alii, quales nos plerumque, solomus, volebant: pulchra erant corpore, pulchrè instructi, pedibus, ac tibis adornatum facies, linco verò aliquo caput redimiri.

Montezinus narrat, quòd, cum die Iovis sub vesperam inde discederet, illi multa humanitatis officia exhibuissent, altaris quaecunque ipsi in via necessaria existimassent; addidissentque omnibus illis se instructos, ut cibus, vestibus, gregibus, aliisque, quae in India Hispani suo dicerent.

Cum eodem die deventum esset ad locum, ubi divertissent nocte illà, antequam ad fluvium accederent, Montezinus dixit Indis: Meministi Francisce, a fratribus meis dictum, te mihi quid indicaturum; roga itaque, ut id referre mihi non graveris. Narrabo tibi, quae scio, dixit Indus; modo mihi non sis molestus, &

*veritatem nosces, ut ab antecessoribus meis accepi. Sin autem nimium me rogas, ut facturus mihi videris, induces me, ut falsa dicam. Adverte igitur animum, queso, ad illa solum, qua tibi narrabo.*

*Fratres tui Israelis filii sunt, & eò conducti suere providentiâ Dei, multa in eorum gratiam facientis miracula, qua non crediturus es, si tibi enarrare ut ut ita a patribus edoctus sim. Nos Indi bellum ipsis inferebamus in istis terris, duriusque tractabamus eos, quàm nos jam tractamur ab Hispanis. Dein ex jussu magorum nostrorum qui Indis (Mohanes) eò, ubi fratres tuos vidiisti, armis accincti rediimus, ipsos debellaturi, sed ne unus ex omnibus, qui eò commigrârunt, ad suos reversus est. Ingentem igitur restauravimus exercitum, eosque adorti sumus eodem planè successu, ut nullus rursus evaderet. Quod etiam tertia factum vice, sic ut omnis penè incolis destituta, præter senes, ac mulieres, India fuerit. Fraudem itaque magorum subesse rati senes, cæterique qui remanserant, de ejiciendis magis*

*omnibus consilium ceperunt: ac multis eorum jam casis, illi, qui supererant, se ignotum quid dicturos polliciti sunt: quo dicto scire desitum est. Illi verò talia edocuerunt.*

*Deus istorum filiorum Israelis verus Deus est. Omne id quod lapidibus ipsorum inscriptum est, verum est. Domini erunt totius terræ sub finem mundi. Venient qui vobis adferent multa bona, & postquam omnitus terram ditârint, filii isti Israelis ex patria sua migrantes, omnem orbem sibi subjicient, ut subjectus ipsis erat antè.*

*Felices eritis, si fœdere aliquo vos iis jungatis. Tum quinque primates (Cazici Indis) qui majores mei erant, intellecto magorum vaticinio, quod ab Hebræorum sapientibus acceperant, eò profecti sunt, ac precibus multis tandem obtinuerunt, postquam desiderium suum femina isti, quam interpretem agere videbas, (eo quod fratres tui nullum commercium cum nostris Indis habere voluerunt) explicâssent. Quisquis autem nostrorum*



fratrum tuorum terram ingrederetur, illud ab illis occidebatur, nemine fratrum tuorum ad loca nostra transunte. Fœdus itaque, iuvante istâ fominâ, tale cum iis pangebamus.

I. Ut quinque Cazici nostri singulis 70 mensibus soli ipsos accederent.

II. Ut ille, cui arcana revelanda essent, excessisset ætatem trecentarum lunarem, sive mensium.

III. Et ne ulli talis aperirentur in loco aliquo, ubi habitaret populus, sed in deserto, solumque presentibus istis Cazicis. Et ita, addebat Indus, arcanum illud inter nos servamus, eò quòd magnam nobis polliceamur ab illis gratiam, ob officia fratribus tuis a nobis præstita. Non invisere nobis licet eos, nisi singulis 70. mensibus, aut si quid novi forte superveniat. Id quod in vita mea contigit tribus tantum vicibus: primò, cum Hispani hâs in terras venirent: Dein cum venirent naves in mare Meridionale. Tertiò te veniente, quem diu admodum desiderarunt, & expectarunt. Ob tria illa nova insigniter sunt gavisi, eò quòd prophetias impleri dicerent.

Narravit etiam Montezinus, dein sibi  
Honde à Francisco missos tres alteros Ca-  
zicos, non dictis tamē eorū nominibus, pri-  
usquam dixisset, libere licet tibi hos alloqui,  
qui socij mei sunt in hoc, quo fungor, mune-  
re, de quibus tibi dicere me memini. Quin-  
tus ob senectutem venire non potuit.  
Arctissimè verò tres isti illum amplecte-  
bantur; rogatusque Montezinus, cujus  
esset nationis? Hebraea, respondit, ex tri-  
bu Levy, & Deum suum esse Adonay, atq;  
alia: quibus auditis, rursus amplexi sunt  
illum, ac dixere; videbīs nos aliquando,  
& non agnosces; fratres Tui sumus o-  
mnes, singulari Dei favore, ac dein, vale u-  
strimque dicto, discessere, dicentes singu-  
li, mea curatum eo. Solus itaque rema-  
nens, qui Montezinum, ut fratrem saluta-  
bat, Franciscus, ita valere jussit; vale, in-  
quit, mi frater, alia jam agēda habeo; & eo,  
ut invisam fratres tuos cum ceteris Cazicis  
Hebraeis. Quod terrā hanc attinet, securus  
sis, omnibus enim imperamus Indis. Post-  
quam verò negotium, quod nobis cum  
scelestis Hispanis est, ad finem perdux-  
imus, ex servitute, in qua estis,

vos

*vos docemus, Deo iuvante; non dubi-  
quā ille, iuxta verbum suum,  
mentiri nesciens, opem  
laturus sit. Tu inte-  
rim da operam, ut  
homines isti  
veniant.*

**F I N I S.**

S P E S I S R A E L I S.

SECTIO. I.

**I**Nter tot varias de Indorum  
novi mundi origine opinio-  
nes, easque incertas adeò,  
difficile est certi quid dicere. Qua-  
renti quæ mea sit sententia super re-  
latione Antonii Montezini, dicam,  
vix per aliquam scientiam hoc  
licere cognoscere, cum nulla sit  
demonstratio, quæ nobis notitiam  
ejus rei patefaciat; minus verò ex sa-  
cris, aut humanis id colligas. Ne-  
que enim declarant sacræ literæ, quæ  
gentes terras istas primæ habitarent.  
Nec priusquam à Christophoro Co-  
lumbo, Americo Vesputio, Ferdinan-  
do Cortesio, Marchione del valle, &  
Francisco Pizarro, essent aditæ, à  
quoquam illarum mentionem fieri  
videas. Quanquam autem hætenus  
is mihi animus fuerit, ut nil nisi so-  
lida & infallibilia tractarem, ut sunt ea  
quæ

quæ legem nostram concernunt, dubiumque reddiderit materię hujus obscuritas, an aggredi eam foret operę precium, ad extremum tamen induci ad id me passus sum, non quod aliquid glorię, atque existimationis, inde mihi sperem; sed ut videant, qui hoc, quodcunque erit operis, a me expostularunt, amici, ac rectę veritatis studiosi, quàm non sis placere nolim.

Paucis agam in hoc tractatu de opinionum, quæ fuere, diversitate, & ostendā loca, quæ a decem fortè tribus occupari ajunt. Finiam verò, postquam illas in patriam reduxero, quam verissimis rationibus indicabo, sequentibus revelationes sanctorum Prophetarum, quos non aliter (quidquid contra nonnulli sentiant) posse explicari censeo. Non libet verò hæc disputando decidere, sed Iudæorum opiniones tantum, qui mihi in meis mos est, candidè, ac sine fuce referam.

S E C T. II.

**S**Ciendum itaque, affirmare Alexin Vanegan, primas Indiæ Occidentalis colonias à Carthaginensibus poſitas; qui Novam Hispaniam occupârint primi, & crescente hominum numero, ad insulam *Cuba* excurrerint; inde ad continentem Americæ; & tandem verſus Panamam, Novam Hispaniam, & insulam Peru. Eâ vero nititur ratione Author, quòd, ut Carthaginenses, quos mari maximè omnium uſos conſtat olim, picturis vice literarum Peruenſes, et novæ Hispaniæ incolæ, utantur. Sed ea ſententia placere non poſſit, ſiquidem antiquitùs illos albos, barbatoſ, ac converſationis civilis gnaroſ fuiſſe; hoſ è contra, ut in Panama, S. Martha, unâ inſularum Cubæ, & Barlovento nudos inceſſiſſe certum eſt. Dein quiſ concedat, linguam, quam primum locutoſ vult illoſ, ita repentè immutatoſ, ut planè ſit alia? neque enim ulla huic cum illa eſt convenientia. Doctiſſimus Arias Montanus putat, In-

dos novæ Hispaniæ, & Insulæ Peru, familiam ducere ab *Ophiro* filio *Ioſtani*, nepote *Heberis*. Firmat sententiam suâ ex nomine אופיר *Ophir*, quod, transpositis elementis, idem valet, ac *Peru*: additq; nomē *duale* פריים *Parvaim* significare Isthmum, qui est inter Novam Hispaniam, & Insulam Peru, quæ primum *Ophir*, deinde *Peru* vocata est; & regiones has esse illas *Ophir*, unde Rex Salomon curabat adferri sibi aurum, gemmas, & alia, quæ producant, ut videre est 1. Reg. c. 9. & 10. ac Paralip. 8. 9. Videtur quidem hæc sententia alterâ probabilior, ac confirmari possit alio nomine fluvii *Piru*, qui, secundum Gomaram, jacet sub gradu secundo lineæ æquinoctialis, remotus a Panama ducentis & viginti duobus miliaribus; ut & nomine Provinciæ *Iucatan*, quod deduci possit a יקתן *Ioſtan* patre *Ophir*. Sed enim, præterquam quòd hæc denominatio nimis longè petita videri possit, id etiam isti sententiæ adversatur, quod Iosephus Acoſta 1 Histor. de Indiis

c. 13. affirmat, nomen Peru ipsis etiam Indis fuisse incognitum, antequam id Hispani illi nomen dedissent. Accedit, quòd Garcillasso de la Vega in prima parte comm. de Peru c. iv. narrat Hispanum aliquem, Basco Nunnez de Balboa, cum in istis terris degeret, piscatorem quendam rogasse, quod nomen provinciæ esset; Illum vero *Beru* dixisse, (ita vocabatur piscator ipse, qui rogari nomen suum existimabat) ac nomen fluvii, in quo piscabatur, *Pelu* addidisse. Hinc videre, est ex duabus istis vocibus *Pern* dictam, quod etiam multi authores Hispani præter eum, quem diximus, testantur. De inquis credat, Salomonem, posthabitâ Indiâ Orientali adeò diviti, ac omnium rerum abundantia, ad Occidentalem misisse adeò remotam naves. Ulteriùs legimus lib. 1. Reg. c. 9. Salomonem fecisse naves in Hesion Gaber in ripa maris Erythræi; quod Iosaphatū quoque fecisse cum Ahaziahū ait Esdras 11. Paralipom. c. 20. & certum est, viâ hâc ordinariâ in Indias cõtendere ho-



mines istarum regionum. Id verò probari non possit, quòd quidam, quia Sacra Scriptura alibi Tarsin, alibi Ophirin iisse eos asseverat, eandem esse terram concludant: cùm Tarsis non sit, ut aliis visum, Carthago, aut Thunes in Africa; eò quòd classis Salomonis non solverit ex portu maris Mediterranei, cui nomen Iapho, sed ex Hesion Gaber portu maris rubri, unde Carthaginem navigari non possit, sed in Indiam Orientalem. Isaaci Abarbanel responsio ad argumentum illud admitti non debet, dicentis brachium aliquod Nili influere in mare rubrum, aliudque transfluens Alexandriam in Ægypto exonerare se in mari mediterraneo; cùm numquam auditum sit, quòd magnæ molis naves fluminibus istis uti possint: & an non præstitisset naves tum in ipso Alexandriae portu fabricare? Vero propius est, Tarsin esse oceanum, sive mare Indicum, & quia, enavigato mari rubro angustiori, veniebatur in Oceanum, ait scriptura; *navigabant Tarsin.* Sequitur sententiam

tiā hanc Rabbi Ionathan ben Uziel, qui in paraphrasi sua pro *Tarsis* ponit *נָדַב* quod significat mare. Idem scribunt Franciscus de Ribera commentariis in Ionam, & Rabbinus Iosephus Coen in sua Chronologia; qui tribuūt vocabulū *Tarsi* mari Indico, eò quòd *Ophir* eadem est regio, quæ vocabatur antiquis *Aurea Chersonesus*, Iosepho terra aurea, hodiè *Malacca*, unde afferebant ebur, ob grandem numerum Elephantorum, qui ibi sunt, ut nullos in India Occidentali invenias: ac in istis Indiæ portibus naves Salomonis per integrum manebant triennium, eò quòd ipsis esset cum incolis commercium. Aliter, scio, sentit Illustris Grotius, aliter Clariss. de Laet, aliter, qui huic citantur, alij; quorum opinionibus refutandis non insistam, quia brevitati studeo. Mihi ex parte probanda videtur Hispanorum in India habitantium sententia, qui communi consensu astruunt Indos a X Tribubus procedere. Nec sanè in totum falluntur; quia, meo iudicio, primi fuerunt Indiæ habi-

tatores; utut alii Indiæ orientalis populi deinde accesserint per fretum illud, quod est inter Indiam, & regnum Anjan. Populi verò isti, ex sententia nostri Montesini, bellum intulére incolis istis Israëlitis, quos montana, & intima regionis loca, petere coegere: quemadmodum olim indigenæ Britanni a Saxonibus in Cambriam pulsifuerunt.

### S E C T. III.

**P**Rimum fundamentum istius opinionis sumitur ex libro quarto Esdræ c. 13. (quem, licet apocryphus sit, citamus tamen, ut antiquum) ubi dicitur, quòd decem Tribus, quas Salmanasser captivas abduxit sub regno Hosæ inde trans Euphratem, constituerint in alias ire regiones longius remotas, in quibus numquam habitasset quispiam, quò magis meliùsque leges suas observarent. Trajicientibus tribubus itaque freta quædã Euphratis Deus miracula exhibuit, cursum fluminis sistens, usquedum transfretassent, &

& regio ista Arfareth vocatur; unde colligere est X Tribus ivisse in Novam Hispaniam, ac insulam Peru, & duo ista regna hæcenus habitatoribus destituta occupasse. Genebrardus, allegato Esdræ de migratione decem tribuum loco, docere vult, Arfareth esse Tartariam majorem, ac inde abiisse eas in Groenlandiam, eò quòd America nuper reperta mari minùs vicina sit ab illa parte, cùm ab aliis eo sit cincta, ac quasi sit Insula, & ex Groenlandia transire possint per fretum Davis in terram *Labrador*, quæ jam Indorum terra est, distans inde quinquaginta milliaribus, teste Gomara in sua Historia. Eadem decem tribuum in Indiam transmigratio confirmatur eo, quod P. Malvenda refert; Arfareth nimirum esse illud promontorium, quod est confine Scythiæ, sive Tartariæ, mari imminens, Plinio *Tablin* dictum, ubi America freto solo separatur à Regione *Anian*; quod idem ab ea parte etiam separat Chinam, sive Tartariam ab America,

ita ut facilis decem tribuum per Arsa-  
 reth, aut Tartariam, in regna Anjan,  
 & Quiviræ, foret transitus, quæ occu-  
 paturæ erant cum tempore novum  
 mundum, & terram firmam; quæ A-  
 siam, Europam, Africamque junctas  
 magnitudine æquat, numerantibus  
 Alonso Augustiniano à latere maris  
 septentrionalis, à regione Labrador  
 3928 milliaria, & à parte Sur 3000.  
 Gomarâ verò ab Indiâ per partem Au-  
 stralem & Sur 9300, quod spatium sa-  
 tis videtur capax decem tribuum, ut  
 ibi possint se diffundere per loca hacten-  
 us incognita.

#### S E C T. I V.

**O**pinionem hanc fulcit, quod in  
 insula S. Michaelis, quæ est A-  
 zorum ad novum mundum spectan-  
 tium, invenerint Hispani sepulchra  
 subterranea cum literis Hebraicis ad-  
 modum antiquis, quas Genebrardus  
 lib. 1. Chron. pag. 159. scripto reli-  
 quit,

מהם אל שעלבין מה דע אל

Vnde

Unde conjicimus pro ם scribendum  
 ן, ut sensus sit: *Quam perfectus est De-  
 us! Sehalbin mortuus est. Nosce Deum.*  
 Nisi velis nomina esse propria, indica-  
 rique defunctum, & patrem ejus; quo-  
 modo pro ם clauso legendum ן, ut  
 sensus sit: *מהטבאל שעל בן מהרעאל*  
*Meetabel seal, filius Matadel.* Talia no-  
 mina in ם terminantia in sacris inve-  
 nire est, ut *Rephael, Immanuel*, & similia.  
 Neutrum cui placet, ei literas Hebrai-  
 cas inventas ibi esse sufficiat, Et quam-  
 vis insula ista sit remotior ab India Oc-  
 cidentali, casu tamen factum potuit, ut  
 illic appulsi fuerint.

S E C T. V.

**I**llud verò ad rem facere videtur,  
 quod Garcilasso de la Vega comm.  
 de Peru lib. III. cap. I. ubi de magnis  
 ædificijs loquitur, addit: *In Tiahuana-*  
*cu, inquit, provincia Collai inter alias anti-*  
*quitates hac immortalis memoriæ est digna,*  
*sita ad lacum ab Hispanis Chucuytu dictum;*  
*Nimirum inter magna, quæ ibi sunt, ædifi-*  
*cia, unum maxima molis videre est, quod*

*habet atrium quindecim orgyas latum, murum, quo cingitur, duo stadia altum; ab una parte atrij est camera quadraginta quinque pedes longa, viginti duas vero lata; Atrium autem, murus, pavimentum, camera, tectumque ejus, vestibulum, postes duarum camerae portarum, ac ipsius vestibuli, omniaque ex uno tantum confecta lapide. Muri tres quadrantes ulnae crasse sunt. Indi ajunt ædificium illud dedicatum esse Authori universi. Hæc ille. Ego ædificium illud conjicio esse Synagogam ab Israëlitis conditam; siquidem docent authores rerum Indicarum, numquam Indos ferro, aut instrumentis ferreis, usos. Quid quòd, cum Idololatæ essent Indi, non potuit ab illis ædes sacra Deo extruï. P. Acosta lib. vi. Ind. Hist. c. 14. talium ædificiorum, quæ ibi loci sunt, etiam meminit: ac lapidem metitum se refert, qui pedes 38 longus, 18 largus, ac sex crassus esset: Petrus Cieza in 1 parte Chronic. Peru c. 87 narrat, in urbe *Guamanga*, quæ sita est ad fluvium *vinagae*, ingens esse ædificium, quod, quia*

jam

jam vetuſtate penè collapſum erat, multis duraffe ſeculis videbatur. Sciſcitatus itaque ab Indis circumjacentibus, ac vicinis, quis antiquæ iſtius molis crederetur Author, didicit ab aliis ædificium id factum populis, qui barbati, ac albi, ut Hiſpani, longo, antequam ibi regnaſent Indi, tempore ad ea venerant loca, ibique aliquamdiu morati erant: atque ita à patribus ſuis per manus ſibi traditum aiebant Indi. Idè Cieza cap. 105. de antiquitate iſta Tiſguanaci loquitur; ac monet, nulla in re, iſti, aliisq; comparari poſſe illa, quæ ita jaçant antiqua Indi. Sanè ex omnibus iſtis non malè colligas primos iſtius loci habitatores, ac incolas, quia homines albi, ac barbati eſſent, fuiſſe Iſraëlitas ex 10 Tribubus.

## S E C T. VI.

**A** Ccredit huic opinioni argumentum, quod à loco, dialecticis à ſimili dicto, ſumitur; cui enim leges, ac conſuetudines, Indorum, Hebræorumque, conferre libet, in multis con-

venire



venire eas videbit; unde facile colligere est, Indos illas debere Hebræis cum ipsis habitantibus, ante vel postquam occultos montes quærerent. Jucatanenses, & Acuzainilenses Indi se circumcidebant. Totonos Novæ Hispaniæ, ac Mexicani, prout Roman, & Gomara, in generali Indorum historia testantur, vestes lacerant, si vel repentinum aliquod infortunium, vel mors alicujus, supervenerit. Gregorius Garcias in Monarchia Ingasonum insulæ Peru narrat Guainacapacum, intellectâ filii Atagualpæ ob inimici exercitum fugâ, rupisse vestimenta. Mexicani, & Totonos, sive Totonacazes, in aris semper ignem alebant, ut jubet Deus in Levitico; Peruensibus idem in templis Soli dedicatis facientibus. Nicaraguazes vetabant feminas, quæ partum nuperè edidissent, templa ingredi, priusquam menstruo forent purgatæ. Insulæ *Hispaniola* incolæ peccare eos aiunt, quibus res est cum femina recens enixa; & Indi novæ Hispaniæ gravissimè puniebant Sodomæ reos.

Sepe-

Sepeliebant etiã plurimi Indorum suos mortuos in montanis , qui mos etiã est Judæorum, & nomen Chana istis in locis inventum, referente Gregorio Garcia. Id mireris, quòd ab jisdem jubilæum quinquaginta annorum in urbe Mexico , ut totius provinciæ metropoli, magna cum pompa celebraretur. Quid quòd die Sabbathi omnes ceremoniis, ac sacrificiis, in templo faciendis, interesse tenebantur. Jidem divorcium faciebant a feminis , quæ quid minùs honestum patrascent. Fratrum defunctorum viduas ducebant Indi insularum Peru , Novæ Hispaniæ, & Guatimalæ. An non ex hisce judices, habitasse illic locorum Judæos, à quibus Gentes istæ talia acceperint ? Supradictis adde & illud , quòd notitiam creati mundi , ac diluvii universalis , quam habebant Indi , Israëlitis acceptam ferre debeant.

## S E C T. VII.

**Q**uartum hujus opinionis fundamentum sit, quòd fusci coloris, ac imber-

imberbes, sint Indi; at verò in novo mundo albos, ac barbatos, invenerint, quibus nullum unquam intercessit cum Hispanis cōmerciū, & quos non alios, quàm Israëlitas esse, dixeris; eò quòd etiam, ut nunquam potuere vinci, ita nec in æternum unquam planè cognoscentur, ut ex historiis sequentibus constat. Petrus Simon religiosus ex ordine S. Francisci in historia de inventione Terræ firmæ tradit, sub imperio Caroli V. Philippum aliquē d' Vtre eò conferre se jussū, ut aperiret ac occuparet terras, incognitas invenisse a parte Americæ Septentrionalis ad quinque gradus, in provincia Omeguas, quæ est vicina provinciæ Venezu. ela, & hodie Carracas dicitur. Intellecto igitur a circumjacentibus illic populis gentium istarum in opibus, ac bello, robore; bellum inferre iis constituit. Jam multum confecerat viæ, cū inveniret tandem urbem populo, ac pulcherrimis ædificiis, divitem, & non procul ab ea duos agricolas terram colentes, quos captivos abducere volebat,

volebat , ut interpretes ipsi essent eorum, quæ dicerentur. Illi, cum se peti animadverterent , ocyssimè urbem versùs aufugerunt; sed cum Philippus d' Vtrè ejusq; milites, equis insidètes, o. ciùs insequerétur eos, ac caperét penè; subistere agricolæ , lanceisque suis i. psum Philippum in ipso pectore læse. re, penetrantes thoracem ex lana sagittis arcendis factum.

Miratus igitur gentium istarum dexteritatem consultius statuit, non inferre bellum provinciæ, populóque in bello instructissimo, quique armatis resistere auderet. Retrocessit itaq; cum suis. Nec hætenus aditæ sunt gentes istæ, nec nota est via, quâ adiri possint. Verosimile est, Israëlitas esse, quos illic loci servat Deus usque ad tempus redemptionis.

Idem testatur Alphonsus de Erzilla in secunda parte suæ Araucaniæ, cantico 27. ubi describens loca ista ita loquitur :

*Ves*

Ves las manchas de tierra tan cubiertas,  
 Que pueden ser a penas divisadas,  
 Son las que nunca han sido descubiertas,  
 Ni de estrangeros pies jamas pisadas,  
 Las quales estaran siempre encubiertas,  
 Y de aquellas celages ocupadas,  
 Hasta que Dios permita que parezcan.  
 Por que mas sus secretos se engrandezcan.

## S E C T. VIII.

**I**Oannes Castillanus Vicarius in urbe  
 Pampelonæ Novæ Granadæ de re-  
 gno Peru agens narrat , quomodo  
 Gonzalus Pisarrus , postquam cum  
 suis descivisset, miserit nonnullos, qui  
 novas quærerent terras Indorum in  
 orientalibus plagis viventium, quorum  
 numquam sciri potuit numerus : eò  
 quòd, ut referunt nonnulli, terra eorum  
 longitudine bis mille milliaria superat,  
 si inde ab origine fluvii Maragnon, qui  
 fluit prope Andes de Cusco, numere  
 usque eò, ubi se in mare Septentrionale  
 exonerat. Igitur, jã ubi navigari inci-  
 pit fluvius, ei se commisit Petrus d'Or-  
 lua, Capitaneus militum, cum ipso eun-  
 tium, cum quibus naves ascendit, quas  
 Canoas vocant; quæ tamen, cùm mino-  
 res

res viderentur, quàm ut vim fluminis  
ferre possent, fabricavit Vergentinas  
in ripa fluvii Guariagæ, qui in Pro-  
vincia Chachapoyas scaturiens Ma-  
ragnonem influit. Vix verò vergantinas  
ingressus erat, cùm à milite cohortis  
suæ fortissimo, cui nomen Aguirre, in-  
terficeretur, qui interfecto omnium  
suffragiis succellit. Jam aliquantum  
erant progressi, cùm invenirent plani-  
tiem sine ullo monte, ubi complures  
ædes in ripa, tum dextra, tum sinistra  
fluvii Maragnonis erant positæ, ab In-  
dis habitatæ. Ulteriùs verò spatio duo-  
rum dierum naturalium processerunt,  
nihil videntes præter ædes altas, & al-  
bas, quas tamen non ausi sunt ingredi,  
eò quòd nimis magno essent numero  
incolæ; & quòd exaudirent nimium  
malleorum strepitum: quâ de causâ  
incolæ ipsis aurifabri esse videbantur.  
Promoverunt itaque iter, & in ipso  
Hyperboreo mari jam navigabant,  
semper tamen littus provinciæ Mar-  
garitæ tenentes, ubi Agurra ab incolis  
captus suspendio puniebatur. Innotue-

C

rat

rat enim ipsis cædes capitanei Petri  
d'Orsua, ab ipso patrata.

# SECT. IX.

**C**Asparus Bergarensis, quocum  
mihi sæpe fuit sermo, egressus  
urbe Loxa, quæ est in provincia Qui-  
tensi regni Peru, comitatus est chi-  
liarcha Don Diego Vaca de la Vega  
novas terras quæsiturum. Venerunt  
anno 1622 in provinciam Iarguasón.  
go à Capiteo Salines inventam, &  
penetrarunt montes *Cordilleras*, ubi  
fluvius Maragnon jactum lapidis lati-  
tudine non superat. In provincia In-  
dorum Mainensium moliti sunt ur-  
bem, cui nomen S. Franciscus de  
Borja, & Esquilache. Inter ejus verò  
comites centum Hispani erant in na-  
vibus, Canoas dictis. Dein subjugatis  
Indis istis, ac Regi Hispaniæ fidem  
jurare coactis chiliarcha à Mainensibus  
instructus, ad alia loca processit, post-  
quam urbi exstructæ præsidium impo-  
suisset. Peractis quingentis in fluvio  
leucis, invenit quasdam Indorum ca-  
fulas

fulas ibi delitescantium, favente ipsis fluviorum ibi in Maragnonem influentium, numero. Cum in fluvium Guariagam jam enataissent, ubi Petrus d'Orsua fabricatis Vergantinis, ab Agurra occidebatur, Indos Guariagas à fluvio dictos, quos ceperant, rogavere, quænam ad ripam fluvii habitarent gentes, à quibus chiliarcha edoctus, quinque inde dierum spatio vivere homines proceræ staturæ, habitu pulchros, egregiè, ut Hispani, barbatos, fortésque, & belligeros, quique navibus canois navigare nescirent, quam cæteri Indi non aliis uterentur; eâdem qua venerat via ilico retrogressus est.

## S E C T. X.

**I**N Pharnambuco ante quadraginta annos octo tabaiæres invasit cupido investigandi regiones, videndique an terra ulterius sita incognita habitaretur. Peracto igitur quatuor mensium occidentem versus itinere accessere montes, quorum vertice difficillime



superato, invenere planitiem, quam circumfluebat fluvius amœnissimus; cujus in ripa hominibus albis, barbatisque, quibus omne genus commercii placeret, locutos se Brasiliensibus post elapsam nonimeste spatium, quinque Tabaiares retulere; tres enim reliqui in via defecerant.

### S E C T. XI.

**N**Ostro tempore sub Rege Philippo III. capitaneus Petrus Fernandes de Queiros ex India, ubi omnem fere vitam transegerat, reversus Romam ivit, monstravitque tabulam novarum terrarum quarendarum. Madritum ut dein venit, quinque naves à Gubernatore Panamæ, ad quem fuerat remissus, ipsi sunt datæ, ut, quod moliebatur, perficeret? Iter itaque jam invenirat, ingressusque vix mare meridionale, invenit terras, quas Insulam Salomonis, & Hierosolymam, vocavit ob causas, quas ex ipso rescivi. Prope littus itaque insularum istarum semper navigans Insulanos vidit esse coloris fusci, cepitque nonnullos; alios verò habitantes in Insulis majoribus, &

fertilioribus, albos, cum longis tunicis ex serico confutis; jussusque nauta terram petere in scopulum illisit navē, quā, accurrentibus, & avidè spectantibus, insularis, submersa capitaneus cum reliquis inde recessit, quæsiturus Terram Firmā; quam quadraginta gradibus ulterius invenit, ac trecenta milliaria confecit prope illius littus. Cūmq; ob fumum, quem videbat, terram habitari animadverteret, & in ripa fluvii cujusdā portum appellere vellet, accurrere obviā multi homines albi, flavis capillis, procēri gigantum instar, splendidis vestiti tunicis, longisque ornati barbis. Unā verò navium in introitu portus naufragium passā altum repetere coactus est; missi verò sunt ad eum ab insularis duo Chaloffi fusci coloris, ut erant primæ insulæ incolæ, cū ovibus, aliisq; cibis, & fructibus, rogantes, ac precib⁹ minas addentes, ut à terrā discederent. Exceptos igitur Chaloffos in Hispaniam deduxit capitaneus, a quibus nihil, nisi per signa, poterant, rescire Hispāi: illis ad rogata respōsi loco

monstrantibus barbas, quasi tales esse Dominos suos innuere vellent, à quibus essent missi, ac si de religione interrogarentur, digitis in cælum erectis docebant unum tantum adorari a se Deum. Moriebantur parvo post tempore in Hispania. Capitaneus verò Panamā reversus duabus relictis, quæ perierant, navibus, cūm lis ipsi à Gubernatore moveretur, ad Senatores, qui rebus Indicis præsunt, dedit literas, quorum ope dimissus, in Hispaniam rediit cum navibus, ubi per duos annos mansit rebus non prius peractis. Rex autem marchionem ipsum creavit terrarum ab ipso inventarum, ingentemque ipsi parari iussit exercitum, ut ea, quæ haberet in animo, exsequeretur. Sed Panamam vix venerat, cūm non sine suspitione veneni à Gubernatore oblato moreretur.

## S E C T. XII. :

**I**D quod jam narraturus sum, inseruiet probationi ejus, quod de Indis Occidentalibus dixi. Ipse nauta Bata-

vus

vus narravit mihi fuisse se non multo antehac tempore cum navi sua in America, septem gradibus a parte septentrionali inter Maragnonem, & magnum Para, ac portum intrasse se in amæno fluvio, ubi invenerat aliquot Indos Hispanicam linguam callentes, a quibus emebat cibos, ligna tincturæ generis, postquam ibi semestrem commoratus esset spacium, intellexit fluvium istum versus Carybes Indos extendi octodecim leucis, usque quo navis ejus vehi possit, & fluvium illic dividi in tria brachia, ubi sinistrorsum duobus mensibus naviganti occurrerent homines albi, barbati, benè instructi, ac opipare vestiti, auri & argenti divites, habitantes in urbibus muro cinctis, & incolarum plenis; nonnullos verò Indos Oronochi eo profectos multum inde auri, argenti, ac complures Smaragdos domum retulisse. Quo intellecto quosdam eo ablegavit nautas, sed cum in via Indus, qui eos duxerat, moreretur, non processere ulterius, ac duobus ibi subistere mensi-

bus ; contrahentes cum Indis ultra sexaginta leucas a mari remotis. Provincia ista *Iisbia* vocatur, paretque Zelandis; neque unquam illis commercium cum Hispanis fuit , ac securè iter faciunt incolæ undiquaque versùs. Historiam istam fortè fortuna audiebam ab isto navis gubernatore Belga: unde nonnulli nostrum, conjicientes Israëlitas esse illos , proposuerant remittere eum, ut ea penitus inquireret: Sed citâ morte decebat anno proximè elapsò; unde videtur non permittere Deum , intentiones istas ullum fortiri effectum ante dierum finem.

### S E C T. XIII.

**P**Lus tamen fidei habeo relationi Montezini nostri, Lusitani, ac nostri ordinis Judæi; nati in urbe Portugalliae, cui nomen Villefleur; honestis, ac notis parentibus, hominis quadragenarii, probi , neque ambitiosi. Ivit in Indias , ubi inquisitionem passus est , ut successor multorum , qui in Portugallia nati ab iis descenderunt , quos Rex

Por-

Portugallia Don Manuel Christianam religionem amplecti coëgit, (*O actionem iniquam, & injustam*, ait Osorius; & paulò pòst, *fuit quidem hoc neque ex lege, neque ex religione factum*) Et tamen hodie clam religionem suam servant, quam mutaverant vi ad id adacti. Inquirebat ille liberatus ab inquisitione hæc curiosius, quàm dici possit, & compellabat homines istos sæpissimè; neq; acquievit dein, priusquam huc venisset, nobisque nova adeò læta communicasset. Multa verò in itinere isto perpeffus est, & ad summam pauperiem redactus, eò quòd in nullius ædibus victum sumeret, & laborem suum compensari nollet. Ego ipse sex integris mensibus, quos hic vixit, familiariter ipso usus sum; & aliquoties in præsentia honestorum virorum juramentum ab eo exegi, quò vera esse, quæ narrabat, confirmaret. Abiit dein Phernambucum, ubi biennio pòst, factò etiam eodem ibi in agone mortis juramento, decessit. Quæ si ita sunt, cur non credam homini vir-

tuti

tuti dedito, omnisque lucri, quod lucrum æstimamus homines, osori. Et quis scit, an non Prognosticæ Mohanesi à Montezino nostro laudatæ brevi appareat veritas, conformis illi, quam Jacobus Verus Astrologus Pragenfis scriptam post apparitionem Cometæ orti anno 1618, dedicavit Celsissimæ Principi Palatinæ, ubi hunc in modum differit. Cometa Meridiem versus se movens notat urbes, ac provincias, quibus Deus minatur, fore Indiæ Occidentalis, quæ a Rege Hispaniæ desciscent; qui sentiet id damnum esse expectatione sua majus, non quod spontaneo motu Indi rebellaturi sint, sed quod ab aliis ab altera parte, ad rebellionem contra Regem sint impellendi. Neque id prædicebat saltem Cometa, sed & Eclipsis solis illis in terris anno præcedenti visæ. Hactenus Astrologus. Antiqui Rabini nostri ajunt, quod quamquam Astrologis non in omnibus habenda sit fides, non tamen omnis iis sit deroganda, utpote nonnunquam veræ præfagientibus.

S E C T.

S E C T. XIV.

**H**AEC quo ad Indiam occidentalem, de qua etiam interpretari possis, eò quòd in medio mari sita sit, ac ob magnum insularum ejus numerũ, Esaïam cap. 60. vers. 9. *Me enim insula sperabunt, & naves Tharsi in principio ut adferant filios ex longinquo, cum argento, & auro eorum.* Jeremiam cap. 31. v. 9. *Audite verbum Dei o gentes, & annuntiate illud insulis remotis, dicentes, qui segregavit Israelem, rursus congregabit.* Davidem Psalm. 97. *Deus regnavit, gaudebit terra, & exultabunt multe insulae.* Ubi pars decem tribuum habitat in hunc diem incognita.

S E C T. XV.

**S**Ciendum nunc est, non omnes decem tribus eodem tempore fuisse captas. Phul enim Assyriorum Rex, ut in secunda parte Conciliatoris mei doceo, vicit, & abduxit tribus Rubenis, Gadis, & dimidiam Manassis, sub regno Peca, ut videre est primo Chro-



nicorum cap. 5. vers. 26. & Iosepho lib. 9. cap. 11. Tiglad Pilessar octo pòst annis cepit Hiun, Abel, Beth, Maacha Azar, Azor, Guilad, Galilæam, omnemque terram Naphthali, & captivos omnes abduxit in Assyriam 2. Regum cap. 15. vers. 29. Salmanassar ad extremum Assyriæ Rex novem annis pòst sub regno Oseæ filii Elach triennali obsidione Samariam cinxit; quâ vi capta, Oseam cum cæteris tribubus itidem cepit 2. Reg. xvii. v. 6. De tribus istis temporibus loquitur Esai. cap. 8. v. 23. dicens, primam captivitatem fuisse facilem, si conferas eam cum ultima adeò gravi, ac intolerabili: in qua finem cepit regnum, & Monarchia Israelis.

## S E C T. XVI.

**D**EVICTAS itaque diversis temporibus decem tribus credendum est varia in loca fuisse dispersas. Ut existimamus, petiisse ipsas Indias Occidentales per fretum Anianis; ita putamus ex Tartariâ ivisse eas in Chinam per murum istum adeò celebrem; qui

qui in utriusq; est confinio. Argumentum, quo id probamus, nititur auctoritate duorum Jesuitarum, qui iis in terris collegia sua fundavere.

Nicolaus Trigautius Belga in tractatu de Christiana expeditione susceptâ apud Sinas ab Societate Iesu; Annis, inquit, superioribus; Judæos etiam in hæc regna confluisseprehendimus; Nempe cum Societas jam ab annis aliquot in Pequinensi regia sedem fixisset, Judæus quidam P. Matthæum Riccium accessit. Is in provinciæ *Honan* metropoli *Chamfamfu* natus *Ngay* cognomento dicebatur; & jam in Licentiatorum ordinem adscriptus ad solita doctoratus examina Pequinum advolarat. At verò, cum in libro quodam de rebus Europæis à Chinenſi doctore conscripto legisset, Patres nostros non esse Saracenos, & aliud nullum numen nosse, præter Cæli, terræq; Dominum, ac sibi persuaderet nostros esse legis Mosaicæ Professores, cum P. Matthæo Riccio Templum ingressus est. In ara exposita erat effigies Deiparæ, &

pueruli Jesu, quem S. Johannes præcursor flexis genibus adorabat. Erat enim is dies Divo Johanni Baptistæ sacer. Judæus ratus effigiem esse Rebecca, puerulosque Jacobum, & Esavum, supplex imaginem veneratus est, præfatus tamen se imaginem nullam venerari solere, hos tamen se gentis suæ parentes non posse non honorare. Roganti an quatuor Evangelistæ ab utroque aræ latere positi essent quatuor è duodecim Jacobi filiis, annuit pater, arbitratus eum de 12 Apostolis loqui. Judæus postea, ubi Israelitam se esse patri declarasset, in Biblia Regia incidit, agnovit characteres Hebræos, tametsi eos legere non posset.

Ex hoc audierunt nostri ibi decem duodecimve Israëlitarum esse familias, & Synagogam perelegantem, quam nuper 10000 aureorum instaurarant. In ea se v. libros Mosis magna veneratione per annos 600 asservare. Asserebat etiam in Chequionæ provinciae metropoli Hamcheu longè plures esse cum sua Synagoga familias

lias, & alibi quoque multas sine Synagoga degere, eò quòd paulatim extinguantur.

Multa ex veteri Testamento referens, in efferendis nominibus sono non parum à nostris differebat. Dicebat nonnullos ex suis sermonis Hebræi non esse ignaros, se verò cum neglexisse, quoniam à puero literis Chinenfibus infudarat. Qua de causa ab Archi-synagoga suorum cætibus indignus prope judicatus erat. Id tamen se unice curare, ut doctoratus gradum adipisceretur.

Triennio post pater Matthæus Riccius uno ex fratribus nostris in metropolim istam misso, vera omnia esse comperit. Initia & fines librorum, quos in Synagoga sua observabant Judæi, contulit cum nostro Pétateucho, nihilque vidimus diversum, præterquam quod characteres punctis carerent.

Alter Iesuita est Alfonsus Cimedro, qui itidem testatur complures magno numero in provincia *Oroense* in Occi-

dentali Chinæ parte sitâ, esse Judæos, qui adventum, ac passionem Iesu, planè ignorent. Ex decem esse tribubus inde colligit; quam etiam sententiâ amplector, quia multi ritus Judaici à Chinen-sibus observantur, quos videre est in libro aliquo manuscripto, quem habet Generosus, & Nobiliss. Ioachimus Wicofortius. Et quidni aliqui illorùm ex Chinæ regno navigârint in Novam Hispaniam per fretum, quod fluit inter Chinam, ac Anianis, & Quiviræ, regna, quæ jam confinia sunt Novæ Hispaniæ; indèque concefferint in Insulas Panamæ, Peru, aliásque illic sitas.

Hi meo iudicio Chinen-ses illi sunt, de quibus loquitur Esaias cap. 49. v. 12. agens de reducendo in patriam Israele: *Ecce qui a longinquo, & qui a septentrione, & qui ab Occidente, & qui ex terra סִינִי Sinensium. etc.* & ita Ptol. lib. 7. cap. 3. Tab. 1. vocatur *Regio sinarum*. Et hæc est vera verbi istius interpretatio. Errat enim Aben Ezra, qui deducit à סֵנֶה *Sene Sylva*, quam in Ægypto locat.

S E C T. XVII.

**F**Acilè etiam crediderim decem tribus, vt, cùm numero essent audiores, extèderunt se in provincias supradictas, ita excurrisse in Tartariam. Sanè Abrahamus Ortelius in tabula Tartariæ Theatri Orbis notat locum Danitarum, cui nomen *Horda*, qui idem est cum *הרר' Ierida descensus*. Et inferiùs mentionem facit loci *Naphthalitarum (Horda)* à Peroza anno 476. occupati. Exaggerat verò Historiam belli hujus Schikhardus in suo *Tarich*, sive Regum Persiæ serie, ubi ex *Agathiæ* libro IV. ita loquitur: *Aliquandiu post, cùm ab hoc malo (septennali siccitate) quievisset, Imp. Zenonis tempore duplex bellū gessit iste Firuz cum Nephtalitis, in quo tandē periit. Nam primo ad angustias ignotorum locorum redactus, eâ conditione pacem impetravit, ut & laceessere illos se posthac nolle juraret, & coram victore suo, in signum subiectionis, incurvaretur: quod posterius ex consilio Magorum callidè fecit*

D

cic

*cit, captatâ occasione contra solem orientem ingenuiculus, ut illum potius more patrio adorasse, quàm in hostis honorem genua flexisse putaretur a suis. Verùm nec prius illud, quamvis diplomate insuper firmatum sanctè satis præstitit: qui a enim hanc adorati hostis ignominiam concoquere nesciebat, cum instaurato exercitu denudò aggressus est; sed iterum iniquitate locorum circumventus, in magnâ quadam quadam voragine cum plurimis vitam finivit miserè, quam Nephthalitæ per insidias ipsi paraverant, calamis, & ingestâ terrâ, supernè constratam; relictis etiam in medio quibusdâ eminentijs, & arboribus, ubi excubitores commorabantur, ut fraus lateret magis, & Persæ in fossam alacrius irrueret. Ita perfidiæ pænas luit rex temerarius, & (Agathie iudicio l. 4.) plus audaciâ, quàm consilio, pollens. Diploma illud, quo pacem sanciverat, hastæ appensum fuit, & occurrenti eminus monstratum, ut iurijurandi admonitum maturè pæniteret, atq; cæpto desisteret: sed id parùm curavit. Cum autem inopinato casu sibi moriendum esse cerneret, fertur unionem, quem*

quem cure dextrâ pendentem gerebat  
e insolita magnitudinis, & candoris, avul-  
sisse, ac, ne quis mortalium post se reperiret,  
(verisimilius, ne cadaver agnosceretur)  
proiecisse longius.

Quinam verò Naphtalitæ fuerint,  
inquit idem Author? multisque  
probat, Iudæorum esse reliquias: Ego,  
inquit, arbitror omnino, esse Iudæorum re-  
liquias, de Tribu Nephtalim, quas Tiglat  
Pilaser Assyrius in ea loca reduxit II  
Reg. 15. 29. Nam. 1. nomen in castigatis  
exemplaribus Agathia, quæ Leuvenclavius  
recensuit, ad amussim consonat: cæteris  
unica tantum aspiratio deficit, quod for-  
tuitò ita congruere in polysyllabicâ voce  
vix possibile foret. 2. Ipsa facies eos prodit;  
nam Præcopius. I.C. docet, non esse sædos a-  
spectu, sicut Hunni sūt, inter quos habitant,  
sed solos ibi locum albos; ut manifeste  
agnoscantur aliunde illuc immigrasse. 3.  
Mores conveniunt: nam idem Author asse-  
rit, non esse Nomades, ut Hunni, qui vagis  
seditus unum locum depascunt post a-  
lium, sed certam incolere regionem præ-  
terea jus & fas observasse, velut Romani,



*ae politicos esse, qui benè regantur à suo principe: quod utrumq; inter vicinas gentes rarum est. Denique mortuos non, more barbarorum, abijcere, sed honestè in terra sepelire. 4. Testantur Itineraria illorum, qui ad mediterraneas regiones Asia orientalis penetrarunt, plurimos ibi degere Iudeos, maximè verò montes occupare. R. Benjam. f. 23.*

ומשם מהלך כח' יום להרי ניסבור אשר על נהר  
 גוון וישםם אנשים מִיִּשְׂרָאֵל בארץ פֶּסֶס שהם משם  
 ואומרים כי בערי ניסבור ארבעה שבטים מיִּשְׂרָאֵל  
 שבת דן ושבת זבולן ושבת אשר ושבת נפתלי  
 הגולה הראשונה שהגלה שלמנסר מלך אשור  
 כמו שכתוב ויגלם בחלח ובחבור נהר גוון וערי מדי  
 ומהלך ארצם עשרים יום ויש להם מדינות וברכים  
 בהרים מצד אחד מקיף אותם נהר גוון ואין  
 עליהם עול גוים כי אם נשיא אחד עליהם ושמו  
 רבי יוסף אמר כלא הלוי וכיניהם תלמידי חכמים  
 וורעים וקוצרים והולכים למלחמה לארץ כות.  
*Inde (à finibus Persiæ) iter est XXVIII*  
*dierum ad montes Nisebor, qui sunt iux-*  
*ta flumen Gozan. Israelita, qui veniunt*  
*inde in Persiam, ajunt, ibidem in urbitus*  
*Nisebor superesse quatuor tribus, nimirum*  
*Dan, Zabulon, Aser & Naphthali, captivi-*  
*tatis*

*tatis primæ, quas illuc deportârît Salma-  
nasser Assyrius; ut scriptum est 2, Reg.c.  
17,v,6, abduxit eas in Lachlach, & Cha-  
bor, flumen Gozan, montesque Madai. Am-  
bitus regionis illius est 20 dierum: tenent-  
que urbes & castella in montanis, quæ ex  
uno latere alluit fluvius Gozan: nec illis in-  
cumbit jugum gentium, sed habent Præ-  
fectum super se, nomine R. Ioseph Amarke-  
la Levitam & sunt inter eos studiosi sa-  
pientie. Seminant quique, ac metunt, imo  
proficiscuntur in bellum ad regionem Cuth.*

Addit ibidem Ortelius, in regione  
Tabor, aut *Tilur*, Solino laudatâ c.  
49. morari populum, qui, licet san-  
ctos libros amiserit, paret uni regi: qui  
venit in Galliam anno 1530, ac locu-  
tus est Francisco primo, combustus  
verò Mantuæ jussu imperatoris Ca-  
roli v, eò quòd clam Iudaismum do-  
ceret Christianos Principes, ipsū que  
ad eò Imperatorem. Idem recitat Bo-  
terus in relationibus suis de ultima  
Tartariæ parte. Sed enim uterque ma-  
lè edoctus est; at Rabbinus Ioseph Co-  
hen, homo fide dignus, hæc narrat ve-

rius in sua Chronologia ; docens , Iudæum , qui ex istis terris venit, fuisse fratrem Regis Israelitarum, Davidem Rubenitam dictum,visisque in transcurso Indis in Lusitaniam venisse , ubi regis Secretariū ad Iudaismū convertit, qui cum ipso inde fugiens nomen Selomoh Molho assumpsit, et brevi tempore adeò familiarē sibi fecit legem, imo ipsam cabalam, ut in admirationem sui totam raperet Italiam. Secretarius igitur unā cum Rubenita Papam, Carolum V. & Regem Franciscum I. ad Iudaismum allicere conabatur. Selomoh Molho Mantuæ captus, ac vivus combustus est, anno 1540, vitā tamē ipsi ante cōcessā, si Christianū se vellet profiteri. Rubenita verò a Carolo v. in Hispaniam abductus in carcere paucis post diebus expiravit. Rubenitæ meminit quoque Abraham Frisol Orhot olā his verbis: Quadraginta quinque anni sunt, quod ex Taborē, Tartariæ provincia, in Europam venerit David Rubenita, Israelitarum Princeps, qui

ibi

ibi loci duas esse Tribus testatur, ali-  
ásque paulò ulteriùs, sub regibus, ac  
Principibus suis, magnóque adeò nu-  
mero, ut dici non possit.

Forte provincia *Tabor* eadem, quæ  
*Habor*, cuius mentionem fieri videas  
2 Regum cap. 17. v. 6. ubi dicitur ab-  
duxisse cos Salmanassar in *Halach*, &  
*Habor*, propter Hebraicarum litera-  
rum  $\eta$  et  $\theta$  similitudinē. Istis ex terris  
venit ante quingentos annos Israeli-  
ta Eldad Danita ex Tribu Danis, (cu-  
jus hodie adhuc videtur litera, quam  
vocamus ספר אלדד הדני Scephher Eldad  
A-Dani) quia Rabbinis examinatus ho-  
mo probatæ fidei agnosceretur. Doctis-  
simus Rabbinus David Kimhi, qui an-  
te annos 450. vixit, in etymologico  
suo in voce שגיה sequentia dicit וכתב  
רבי יונה בשם רבי יהודה בן קריש כי הוא שמע  
מאלדד הדני יש לי שגיה במקום יש לי עסק  
*Rabbinus Ionah scribit de nomine Rabbi*  
*Iuda Aben karis, quòd audierit dicentem*  
*Eldadem Danitam, si quando occupatus*  
*esset: Habeo שגיה Segiah, & ita id, quod*  
*supra diximus, verum esse ex allatis*  
*testimoniis elucet.*

## S E C T. X VII

**P**ARS X Tribuum etiam in Æthiopia habitat in Regno Abyssinorum, ut varij Abyssini retulere Romæ. Refert idem in suis relationibus Boterus, ad Nilum vivere duas potentes nationes, unamque Israëlitatum esse, ac a potēte Rege gubernari. Cosmographus aliquis, qui notas addidit ad Tabulas Ptolemæi, hæc ait in Tabula Novæ Africæ; Ista Novæ Africæ pars antiquis fuit incognita, originem Nili ignorantibus; quæ est in montibus Lunæ, ut veteres eos vocant, ubi habitat ingens Israëlitarum numerus, Presbytero Ioanni tributa solventium. Rabbinus Abraham Frisol in eodem, quem diximus, libro affirmat, suo tempore nonnullos, qui in istis regionibus fuerant, idem Herculi, Ferrariæ Duci retulisse; Atque secundum hæc non dubium est, quin Abyssini ab iis circumcisionem didicerint, celebrationem Sabbathi, pluresque

resque alios ritus Iudaicos. De his videtur loqui Esaïas cap. XVIII. *Va terra, qua sub umbra velorum navigat trans fluvios Æthiopia: a quibus propheta ait missum iri legatos in navibus iunceis, qualibus utuntur Æthiopes, Almadias, vulgo dictis. Adducite populum patriâ suâ expulsum, & dilaceratum, ac miserabiliorem quoquam inter nos. Adferet dona Domino Sebaoth in loco, ubi celebratur nomen Domini Sebaoth in monte Sionis. Confirmat idem propheta Sophonias cap. i. v. 9. Tunc dabo populis, ut puriori lingua prædicantes omnes convocent in nomine Dei, cui cum eâdem reverentia inservient: inde ab altera parte fluviorum Æthiopia Hatray bat Pussay (nationes Æthiopicas) mihi in donum adferent. Id quod convenit cum versu Esaïæ: Et adferent fratres vestri (qui sunt decem tribus) dona Domino.*

## SECT. XVIII.

**N**Eque etiam dubium est, quin in Media habitent, inde trans Euphra-

phratem, quò primo fuerant abducti, ut constat ex 2. Regum cap. 17. v. 24. Et ex 1. Tobia. Flavius Iosephus etiam de iis loquitur in procæmio lib. de bello Judaico, dicens; Iudæos existimare, Fratres suos, qui ab altera Euphratis parte, ulteriùsque morabantur, rebel-latu-ros contra Romanos. Agrippa in oratione ad Hierosolymitanos habita, ne contra Romanos rebellarent, hunc in modum loquitur: Et quos vobis speratis rebellionis vestræ, ac belli socios? An non omnes orbis habitabilis incolæ Romanis tributa solvunt? Fortè quisquam vestrū illos, qui trans Euphratem vivunt, auxiliatu-ros sperat. Et li. 2. Antiquitatum c. 5. agens de iis, qui redibant Babylone Hiero-solymam Esdræ tempore: *Sed omnis Israel, inquit, habitabat in Media, eò quòd duæ tribus tantum in Asia, & Euro-pa, habitent, & Romanis subiectæ vivant; ut reliq; decem ab altera Euphratis parte, ubi tanto sunt numero, ut censeri nequeant.* Non itaque dubitandum est, crescente ita post primam transmi-gratio-

grationem populo, alias sedes, quas  
supra enumeravimus, ab eo quæsitas.

S E C T. XIX.

**V**Ltimò omnibus id persuasum  
est, partem decem tribuum ha-  
bitare trans flumen Sabbathionis, aut  
Sabbathicum. Rabbinus Johanan,  
author Thalmud Hierosolymitani,  
qui vixit annis 160 post destructio-  
nem secundi templi, docet in tracta-  
tu Sanhedrim cap. 17. decem tribus  
transmigrasse tria in loca; nempe ad  
flumen Sabbathicum, ad Daphnen  
Antiochiæ *suburbium*, & eò ubi nubes  
descendit, ac eos contexit: & ex tri-  
bus locis istis redemptum eas iri. Ita  
nempe explicat versum illum Esaïæ  
cap. 49, *ut dicant captivis, exite*; illis  
scilicet, quos ad flumen Sabbathi-  
cum ablegarant, & *illis, qui sunt in te-  
nebris, estote detecti*: illis nempe, qui  
nube sunt circumdati, & *omnibus in  
viis reficientur*, illis, qui vivunt in Da-  
phne Antiochiæ, quæ in Syria est; ut  
hinc



hinc videatur male vertisse Clarissimus vir l' Empereur, *ad latera Antiochia*, cùm דַּפְנֵי *Daphne* sit nomen proprium luci amoenissimi prope Antiochiam. Nubis istius meminit Sedar Olam, & vocat *montes obscuritatis*; & in Thalmud tractatu Sanhedrim c.xi. Rabbinus Jonathan ben Uziel, qui vixit centum annis ante destructionem secundi templi; in Exodi cap. 34 vers. 10. ubi dicit Dominus: *Miracula faciam in praesentia omnis populi tui, qualia nunquam fuere facta in tota terra, aut aliqua in gente*, &c. refert omnia illa ad transmigrationem populi.

ואשרינון מן לגיו לנהר סבטיון וכאנון פרישו  
לא אתבריו בכל דיירי ארעא

*Trahet eos in fluviis Babylonis, transferetque ad fluvium Sabbathicum, docebitque, ut miracula illa nulli unquam orbis habitabilis genti fuerint praestita.* Refecerunt antiqui Rabbinus nostri in Beresit Raba, libro non vulgaris notæ, in Perasach, Tornunfo roganti, unde constaret, diem, quem celebramus, septimum esse, quo post creationem mundi

mundi quievit Deus, respondisse Rabinum Aquebah (qui vixit quinquaginta duobus annis post destructionem secundi Templi) argumento à lapidibus fluvii Sabbathici ducto, qui spatio sex Dierum continuo motu agitati die ipso Sabbati quiescunt, & non moventur. Idem docetur in Talmud Babylonico tractatu Sanhedrim cap. 7. & in Tanua Perafach cap. 9. In eodem Beresith Raba in Perafach 73. dicit Rabbinus Simon עשרת השבטים גלו לפנים מן נהר סבטיון יהודה ובנימין מפוזרים בכל הארצות.

*Decem tribus fuere deductæ ad fluvium Sabbathicū; Iudæ verò, & Benjaminis, sunt dispersæ per omnes terras. In Asirim Kaba, ultimo versu canticorum, ibi, etiam noster lectus reflorescens, dicitur, quòd sint decem tribus, quæ deductæ fuerint ad fluvium Sabbathicum & ut fluvius iste assidue movetur, ita decem tribus ibi semper manserint inclusæ: septimo enim die quiescente fluvio vetitum est per legem nostram iter ingredi, eaque de causâ*

*mira-*

miraculose mansere ibi, ut perditæ, ac à nobis abditæ. Et ita de iis explicatur in Ialcut versus iste capitis quadragesimi noni E'saiæ, *ut dicatur captivis, Exite.* Rabbi Aquibah explicat eodem modo versum 38. cap. 36. Levitici. *Et perditii eritis in gentibus:* ac versum ultimum E'saiæ cap. 27.

*Et venient perditii in Assyriam.* Quia autem à reliquis remoti sunt, alius Rabbinus in Bamidbar Rabba Parafa 16, applicat illis versum cap. 49. E'saiæ: *Et ecce illos, qui è longinquo venient;* ut ita omnes autores isti mentionem fluvii istius faciant. Illustre itidem est testimonium Flavii Iosephi lib 7. de Bello Iudaico cap. 24, narrantis, *Titum Imperatorem inter Arcas, & Raphaneam, urbes regis Agrippæ, transeuntem, vidisse fluvium mirabilem, qui, utut rapidissime feratur, quovis tamen septimo die exsiccetur; eo verò elapso die ordinarium cursum resumat, quasi nulli mutationi obnoxius, eundemque semper servet ordinem. Sabbathicus verò à sacro Iudaorum festo dictus sit, eò quòd quietem eorum*

rum

*rum septimo etiam die imitetur.* Scio, nonnullos aliter interpretari ista Iosephi verba; sed enim, quàm non assequantur illius mentem, vel inde apparet, quod fluvius ipsi Sabbathio, vel Sabbathicus, vocetur; quod vocabulum cum non ab alio, nisi a Sabbatho derivari queat, quis non videt, etiam ipso Sabbathi die cessare fluere, nec moveri fluvium; eoque ita, ut nobis dictum, intelligendum Iosephum? Sanè confirmat opinionem hanc Plinius lib, 1. Nat. Hist. cap. 2. *In Iudea*, inquit, *rivus Sabbatis omnibus siccatur*: Errat tamen, meo iudicio, Plinius, malèque edoctus est, cùm ait *in Iudea* fluvium esse. Neque enim in ipsa eum invenias Iudæa, sed alio in loco, ubi complures Iudæi vivunt.

Rabbi Selomoh Iarchi, qui vixit ante 540 annos, etiam meminit istius fluvii in commentariis Talmudis; dicens, lapides, atque arenam, istius fluvii omnibus sex diebus septimanæ continuè moveri usque ad septimū. Rabbi Mardocheus Iaphe in doctissi

mo libro suo Iephe Thoar, ait, a Sabbatho sabbathionem derivasse Arabes, qui adiectivis particulam *ḥion* addere soleant. Affirmat idem, dictum sibi de vitreo tubo aliquo, arenæ Sabbathionis pleno, continué usque ad Sabbathum se moventis. Idem & ego me audiisse testor ab ipso Patre meo; quòd testimonii genus tanti facio, ac si vidissem ipse; (neque enim Patres filiis quicquam imponere solent) Retulit is mihi, fuisse Lisbonæ Arabem, qui talem haberet tubum, ac quovis veneris die per plateam, quæ *rúa nova* dicitur, circa vesperam deambulet, monstransque eum Iudæis, Christiani simum simulantibus, diceret: *Claudite officinas Iudæi*; vénit enim jam Sabbathum. De alio tubo narravit mihi aliquis fide dignus, quem habebat ante aliquot annos ante portam Mysketæ. Viderat forte eum illac transiens Cadi, sive iudex illius loci, sciscitatusque; quid esset? tolli iussit; reprehendens Mahumetanos, quòd eo ipso Iudæorū sabbathum confirmassent.

massent. Non loquerer de istis tui-  
bis, si non moveret me tanti viri,  
quem allegavimus, auctoritas, quam-  
quam persuasum habeam, Deum  
non id tantum fecisse miraculum, ut  
asservaret ibi partem decem tribuum;  
sed & alia, quæ videre est apud Esdrâ.

Rabbi Moses Gerundensis Caballi-  
sta doctissimus, & legis interpres, in  
Parasa Aazinu, Sabbathionem eun-  
dem esse censet fluvium, qui est נַחַל  
Gozan, a נַחַל denominatus, quod  
abripiendi significationem habet,  
quia videlicet, exceptâ duntaxat se-  
ptimâ, cæteris omnibus diebus vel i-  
psa etiam saxa præcipiti cursûs celeri-  
tate secum rapiat.

Huius fit mentio II. Regum, quò  
etiam Rex Assyriorum captivas ab-  
duxerat: & sic Benjamin Tudelensis  
in Itinerario suo narrat, Decem tribu-  
um partem ad ripam fluvii istius ha-  
bitare. Vbi verò flumen *Gozan* situm  
sit, ignoro. Anno 5394, hoc est, ante  
annos quindecim, in civitate Lubi-  
ni duo Poloni, postquam jam diu

E

pere-

peregrinati essent, scripserunt germanicè libellum de origine fluvii Sabbathici; sed senatus in nundinis Werflaviæ jussit comburi, persuasione Jesuitarum. Abraham Frisol in suo Orchot Olam c. 26. vult esse fluvium hunc in India מוצא נהר סבטיון בגלילות האינדואה הזאת העליונה בין נהרי סבטיון ומוצאין מופסין בין האינדואהם לקצת מלכות היהודים ושם תמצאנו בודאי *Fluvius sabbathicus originem suam habet ab altera parte Kalkout* (quæ jacet longè supra terminum Lamiki, quem ultra sinum Barbaricū locat) *separatque Indos a regno Iudaorum, quem certò ibi invenies.* Quamquam ille גוזן Gozan pro Gange habeat ob scripturæ גניזי affinitatem: nec sanè dubium, quin ibi loci multi Iudæi inveniantur, teste Ioã. de Bairos in suis decadibus. Eldad verò Danita de quatuor tribubus agens, quas ad Gozanem locat, ait; *Fluvius sabbathicus est*

inter

*inter eos.* Iosephus ait, Titum vidisse Sabbathionem inter Arcas, & Kaphaneam. Quod testimonium eò videtur certius, quò minùs dubitandum est, non de eo dicturum Iosephum quid falsi, a quo posset statim reprehendi. Ego sic verò, quanquam non solus, sentio, non procul a mari Caspio quærendum esse.

Quicquid autem sit, constat fluvium hunc alicubi esse, partemque X. Tribuum illic latere: ac dixerim cum Mose Deuteronom. XXX. *Et eiecit eos de terra sua Deus in ira, & in furore; abscondita domino Deo nostro; quia nescitur, quando in patriam reversuri sint: nec demonstrari perfectè queat, ubi sint, permittente id Deo, ut loquitur idem postea cap. 32. Statueram quidem eiicere eos usque ad extremitates terra, ac tollere memoriam eorum è mortalibus.* Quasi diceret, rejiciam eos ad ultimos orbis fines, ut nullus eorum meminerit; ac proinde rectè in sacris *incarcerati, & perdit*i vocantur.



## S E C T. XX.

**N**EC valet argumentum à quibusdam mihi motum: si in mundo sunt, cur non ipsorum nobis est major notitia? Nempe etiam multarum rerum, quas novimus, non novimus tamen originem; & an non hactenus quatuor fluviorum Nili, Euphratis, Gangis, & Tigridis, latuere nos fontes: certum etiam est perquam multas esse terras nobis incognitas. Ulterius, quamquam nonnulli in terris cognitis, & vicinis, habitent, latent tamen post montes, Ita accidit sub regno Ferdinandi, & Isabellæ, ut casu invenirentur *Batuecae Ducis Al-bani*, decem tantum miliaribus Salamanticâ distantes, vicinique Placentiæ, quo confugere nonnulli Hispani, cum Mauri Hispaniam occuparent, eamque totis octingentis annis habitarent. Si igitur in medio Hispaniæ latuere tamdiu gentes aliquæ; quid ni latere dixeris eos, quos à ne-

mine

mine perfectè cognosci ante dierum finem vult Deus.

Atque hæc quidem sunt nobis collecta, quæ habitacula decem tribuum spectant; quas adhuc ritus Iudaicos observare credimus, ut constat ex 2. Regum 22. vers. 26. Ibi Israelitis à Salmanassare captis, missisque in regionem eorum Cutheenis, sacerdos aliquis Israelitarum a Rege mittendus fuit, qui eos instrueret, cò quòd, cùm ignorarent iis in terris alias celebrari ceremonias, a leonibus molesterentur: Ut vidit autem sacerdos non fieri posse, ut in totum Idololatriæ renunciaret populus, plures adorare Deos concessit, modo unum omnium motorem agnoscerent. Idem ex omnibus etiam Historiis, quas enarravimus satis superque evincitur. Observant enim fratres nostri legem majori cum zelo extra patriam; ut non dediti ambitioni, aut rixis, quæ ipsis cum familia Davidis intercesserant, quo pacto facilè in vera religione errare, Hierosolymam non agno-

scere, atque obedientiam Domino, ejusque templo, debitam retractare possent.

## S E C T. XXI.

**D**Ocemur etiam ex primo Esdra, neminem ex decem tribubus secundum Templum introiisse; cum nempe dicantur tantum rediisse quidam ex tribubus Iudæ, & Beniaminis. Idem ille Esdras scribit in 1. paralipomenon, Salmanaflarem eiecisse decem tribus in Halach, Habor, Hara, & ad fluvium Gozanis *in hodiernum usque diem*, ut isto tempore ibi eas fuisset colligas. Consentit Iosephus *Antiquitatum Iudaicarum lib. 11. cap. 5.*

Fortè quis dixerit mihi; cum Media, & Persia, Babyloniam sint confines, cur non cum duabus tribubus Hierosolymam rediere? Dicam, quòd cum pauci a seò ex duabus tribubus Hierosolymæ admodum propinquis eò concesserint, eò quòd iam in Babylonia firmam fixisse sibi sedem videren-

derentur, aut quòd à Prophetis edocti essent, non expectandam sibi esse aliam redemptionem, præter illam, quæ sub finem dierum futura est; cur qui remotiores essent, idemque accepissent à Prophetis, eò migrarent, novas fortè misérias, ac calamitates perpassuri. Quid quòd non nisi duabus tribubus Iudæ, ac Beniaminis, licentiam redeundi Cyrum dedisse legimus. Credibile etiam est, quòd, ut nonnulli auctores tradunt, eò transire non potuerint, quia essent ipsis continua cum vicinis bella

S E C T. XXII.

**H**Actenus ostendimus, variis in locis habitare eas, ut in Indiis occidentalibus, in Sina, in finibus Tartariæ, inde trans Sabbathionem, & Euphratem, in Media, in Abyssinorum regno, de quibus explicandus videtur Esaias cap. 11. Vbi, de Messia agens, italoquitur, *Futurum quoque est, ut illa die dominus secundo manum suam*

*admoliatur, ut possideat, quod reliquum  
populi sui factum est ab Assyria, ab Aegy-  
ptio, a Patros, ab Æthiopia, ab Elam, a Sinè-  
ar, ab Hamad, & ab insulis maris. Vnde  
colligere est, intelligi loca ista, in quibus  
decem tribus morantur. Nempe Syria  
& Aegyptus, erunt loca conventus u-  
niversalis, quemadmodum postea dice-  
tur.*

**פתרום** *Pathros*, non est Pekusium,  
nec Petra, sed Parthia Caspio mari vici-  
na, vbi cum pluribus fluvium Sabbathi-  
cū esse, conijcio: licet regionē Pathros  
in Aegypto esse haut quaquam negem,  
quemadmodum bene CL. Samuel Bo-  
chardus in Geographia Sacra obser-  
vat.

**כוש** *Chus*, juxta communem sen-  
tentiam est Aethiopia, vti liquet ex  
versu 23. cap. 13. Ieremiæ. Et hocce  
in loco Ieremiæ intelligendi sunt Israe-  
litæ, quos in Abyssinorum regno supra  
constituimus.

**עילם** *Elam*, est provincia in Persia, ut  
constat ex versu 2. cap. 8. Dan. vbi lo-  
ca deserta, in quibus forsitan reliquæ  
decem

decem tribuum supersunt.

**שִׁנְאָר** *Schinar*, est provincia circa Babylonem, quemadmodum videre est ex versu 10. cap. 10. Gen. ubi dicitur Babel esse in terra *Schinear*: & Dan. 1. v. 2. narratur Nebuchodonozarem vasa sacra deportasse in terram *Schinear*.

**חמא** *Hamath*, plures numerantur in sacris. Multi interpretantur de Antiochia: quoniam autē duodecim Antiochiæ apud Geographos numerantur, nihil certi possumus de eo statuere: interea mihi videtur esse illa, quæ in Schythia ponitur.

Qui LXX. Dicuntur interpretes per **חמא** *Hamath* intellegunt, Solem à **חמא**, Sol; & vertunt a *Solis ortu*: non malè, ut mihi videtur; nam eâ ratione intelliguntur omnes Israelitæ, qui sunt in Asia majori, India, & Sina.

**אִי הַיָּם** *Insula maris*; sic ferè omnes interpretantur; mihi tamen videntur esse insulæ Occidentis, nam **י** in S.S. significat occidentem, quemadmodum patet ex Gen. 28. 14. & plurimis alijs locis. Et eâ ratione includuntur etiam

illi Israelitæ, qui respectu terræ Sanctæ sunt versùs Occidentem, quos inter etiam Americani sunt.

## SECT. XXIII.

**A**Ddit Propheta: *Et attollet signum gentibus, & colliget ejectos Israelis, & congregabit dispersos Iudæ, a quatuor plagis terræ.*

Vbi duo notat, 1, quòd Israelitas vocet עֲרֻרִים *ejectos*: Illos verò Iudæ נְפֻצִים *dispersos*: & ratio est, quòd decem tribus non modò longè sint remotæ à terra sancta, sed etiam in extremitatibus, et finibus, regionum vivant. Vnde a Propheta vocantur עֲרֻרִים *ejecti*. 2, quòd non dicat Israelitas congregandos esse, a quatuor plagis terræ, eò quod non dispersi sint per mundū ut tribus Iudæ, quæ jã synagogas suas habent non in tribus tantum mundi partibus, sed etiam in ipsa America. Subjungit Propheta: *et abscedet zelus Ephraim, et hostes Iudæ excidentur*: nempe non erunt discordiæ inter Iudam, et decem

tribus;

tribus, quæ sub Ephraim nomine comprehenduntur, eò quòd primus earum Rex Hieroboam ex ista esset tribu: *Et tunc*, inquit, Ezechiel, cap. 37. *Rex unus erit super omnes ipsos in regem, neque erunt ultra due gentes, & non dividentur in duo regna.* Rex nempe ipsis unus erit ex familia Davidis. Item quòd dominus eadem redemptione, quod fecit ex AEGypto euntibus in mari rubro, siccabit Nilum, et Euphratem, dividetque in septem rivulos; fortè ut 7 tribus, quæ in istis plagis habitant, illac transire possint in patriam redituræ, ut dicit Esaias cap. 27. *Et erit illà die, & excutiet ab alveo fluminis,* (Euphratē nonnulli intelligūt) *usque ad flumē Aegypti (Nilū) & vos, o filii Israel, sigillatim congregabimini:* quòd sane in captivitate Babyloniarum non est factum.

Dicit Esaias *rediturum eum secunda vice*, etc. quia redemptio Babylonis talis dici non posset, cùm non omnes in patria cōgregati essent. Sed redemptio erit universalis omnibus tribubus, ut erat cùm ex AEGypto exirent. Quæ redem-



tio in multis similis erit primæ illi, ut ostendo in tertia Conciliatoris mei parte: ut ita secunda dicatur respectu Ægyptiacæ. Vnde docet Ieremias *tū non dicendū esse, qui Iſraelem duxit ex Ægypto, sed ex septentrione, et omnibus plagis, in quas eos eiecerat.* Ut non faciat mentionē exitus ex Babylonia, ob causam supra relatam.

## SECT. XXIV

Idem Prcpheta pleniùs describit reductionem universalem, cap. 43 vers. 5, & 6. *Ab Oriente, inquit, adducam semen tuum, & ab Occidente colligam te, dicam Aquiloni, da: & Austro, ne prohibeas; adduc filios meos a longinquo, & filias meas a finibus orbis.* Eò quòd Media, Persia, & China, ab Oriente; Tartaria, et Scythia a Septentrione; Regnum Abyſſinorum a Meridie; Europa ab Occidente terram sanctam aspiciant. Cùm verò dicit, *Adducite filios meos de longinquo,* Americam intelligit, ut ita in duobus istis versicu-

lis comprehendat omnia loca , in quibus tribus detinentur. Idem cap. 49, a versu 7 usque ad finē refert, eandem reductionem fore felicissimam, & cap. 56. v. 8. dicit Deus: *qui congregat dispersos Israel.* Idem facit Ieremias ca. 33. v. 16, *In diebus illis, & in tempore, ille servabitur Iuda, & Ierusalaim habitabit securè.* certū est, assentiēte omnibus Autoribus nostris Hieronymo , quòd, cū Iuda cū Israële cōjungitur, per Israëlē, x. tribus intelligantur. Addit insuper c. 31. in consolatione Rachelis quæ dolebat filios suos Iosephum, & Benjaminem, abductos esse; illum a Salmanassare in Assyrian , hunc in Babiloniam a Nebuchadnesare *Quiescat, inquit, vox tua a ploratu, oculi tui a lacrymis, quia est merces operi tuo.* Et consequenter. cap. 33. v. 7. *& reducam captivitatem Iude, & captivitatem Israelis, & instaurabo eos, ut olim fuerunt.* Idem affirmat Ezechiel c. 34. v. 13. & c. 37. v. 16. sub figura duorum lignorum, quibus inscripta erant nomina Iudæ, & Ephraim: quò probat congregationem XII Tribuum subi-

jici.

jiciendarum Messiae filio Davidis: *Rex, inquit, unuserit omnibus imperans; secutus Oseam cap. 2. v. 2. Idem testatur Amos sub finem suae prophetiae, et convertam, ait, captivitatem populi mei Israel, & edificabunt civitates desertas, & inhabitabunt, & plantabunt vineas, & bibent vinum earum, & facient hortos, & comedent fructus eorum: et plantabo eos in terra sua: nec evellentur ultra e terra sua, quam dedi eis, dicit dominus Deus tuus. Michaeas c. 2. v. 12. Congregatione congregabo, Iacob, totum te, in unum conducam reliquias Israel, pariter ponam illum, quasi gregem in ovili: eò quòd in captivitate Babylonis, non omnes fuere collecti. Zacharias. c. 8. v. 7. & c. 10 v. 6. alique Prophetæ omnes idem testantur.*

## SECT. XXV

Quàtamen ratione futura sit illa redemptio, nullus mortalium dixerit; sed, quantū quidem ex prophetis colligere licet, tempore illo X tribus venient

nient Hierosolymam , sub ductu  
 Principis , quem Rabbini nonnulli  
 in Talmud, & paraphrasi chaldæa ali-  
 quot in locis vocant Messiam : filium  
 Ioseph; & alibi, Messiam filium Ephra-  
 im; qui cæsus in ultimo bello Gog, &  
 Magog, ostendet se esse Messiam fili-  
 um Davidis , qui erit, ut dicunt Ose-  
 as, & Ezechiel, *princeps æternus omnium*  
*XII Tribuum*, Messia istius filii Ephra-  
 imi mentionem faciunt multis in lo-  
 cis sapientes , maximè verò in Thal-  
 mud Babilonico in tractatu *succa*, C. 5. u-  
 bi moriturum eum aiunt in ultimo  
 bello Gog, & Magog , & ita explicant  
 c. 13. Prophetæ Zachariæ : *Et aspicient*  
*ad me, quem confixerunt, plangentq; super*  
*eo, ut solet super unigenito filio*. Addunt et-  
 iam, quòd quatuor duces, de quibus  
 Prophetæ idem loquitur cap. 11, sunt  
 Messias filius Davidis ; Messias filius  
 Iosephi, Prophetæ Elias, et summus  
 Sacerdos, quæ quatuor istæ dignitates  
 sunt, quæ in isto sæculo beato offen-  
 dent potentiam suam. Advertite au-  
 tem, quòd aliquando vocent Messiam

filium

filium Ephraimi, aliquando Iosephi: Prodebit enim ex tribu Ephraimi, et erit dux omnium decem tribuū, nomen Ephraimo dantium, propterea quòd primus eorum rex Ieroboam ex ista tribu fuit. Non sine ratione vocant ipsū filium Iosephi; ipse enimerat verus typus domi Israelis propter incarcerationē suam, ac subsequentem felicitatē. Adde, quòd tamdiu fratres suos latuerit, ut planè iis ignoraretur; prorsus ut hodie decem tribus, quæ, utut captivas se dicant, postmodum tamen ad summum felicitatis fastigium adscendent eodem, ac Ioseph, modo. Iste Messias Iosephi morietur in prælio Gog, et Magog, et postea resurget, ut fungatur dignitate istâ, nō sceptro quidē regis, sed munere tantum viceregis, ut Iosephus in Aegypto; eò quòd imperium domūs Israelis, quod cecidit sub regno Osee filii Elæ, ut ait Propheta Amos, c. 5. v. 2. Non restaurabitur igitur regnum decem tribuum, ut monet Ezechiel c. 37. sub imperio Messie filii Davidis,

qui

qui erit æternus, et per mortem Messia, filii Iosephi, agnoscent X tribus Deum nolle, ut plures habeant, præter unum, princeps; ut suprà diximus.

S E C T. XXVI.

**T**Ribus igitur istæ cōgregabūtur ex omnibus terræ plagis in provincias, vicinas terræ Sactæ, Assiriā nēpe, & AEgyptū; et inde in patriā procedent: qua de re loquitur Esaias cap. 27. v. 13.

*Et erit in die illa, claugetur tubâ magnâ; & venient, qui perditī sunt, in terram Assyriam, & qui eiectioni sunt, in AEgyptum, & adorabunt Dominum Hierosolymis in monte sancto.* Quasi dicat; ut clangunt tubæ ad convocandum exercitum; ita convenient, qui interierant, (qui dispersi erant per totam Asiam) in Assyriam, & eiectioni (illi, qui sunt in America) veniēt per mare mediterraneum Alexandriam Ægypti; ut itidem illi, qui sunt in Africa: quo tempore exsiccabitur Nilus, & dividetur Euphrates, ut jam monuimus.

Et quoniam collectio captivitatum incipiet ab iis, qui sunt in America, dicit Esaias: *In me sperabunt insula, & naves Tarfi* (id est Oceani) *in principio, ut adferant filios tuos a longinquo, cumque ipsis argentum eorum, & aurum; quo abundant.* Ex istis provinciis igitur provolabunt quàm velocissimè, prostraturi se ad montem Domini Hierosolymis, ut dicit de redemptione istâ Oseas cap. II. *Movebunt se, ut aves, ex Aegypto, & ut columba, ex Assyria. Qui sunt isti,* ait Esaias, *qui volant, ut nubes, & ut columba, in nidos suos.* Illi, qui primi accesserint, hoc insuper fruentur gaudio, quòd visuri sint cæteros quovis momento venientes; quâ de causâ dicit idem Propheta: *Attolle circumquaque oculos tuos & aspice illos, qui se congregabunt ad Te.* Et quia duæ provinciæ Assyriæ, & Aegypti, primæ humaniter excipient populum Israelis, & notitiam veritatis habebunt, amplectentes primæ omnium religionem Iudaicam, sacrificantes, & orantes Deum, dicit Propheta Esaias cap. 19.

vers.

vers. 26. *Benedictus populus meus Egypti ; & , opus manuum mearum, Assyrius ; hereditas autem mea, Israel.* Atque ita intelligendi sunt versus isti.

## S E C T. XXVII.

**O**Mnia illa verba sanctorum Prophetarum sunt , ex quibus de reductione Israelis in patriam constat. Tempus illius scire datum est nemini , neque ipsi Rabbino Simeoni ben Iohay , auctori Zohar , revelatum ; eò quòd Deus sibi illud mysterium reservavit, ut dicit Moses , *Reconditum est penes me.* Et Esaias cap. 63. *Diem vindictæ in corde meo , & annum, quo futura est redemptio.* Quod ita explicant Rabbini : *Revelavi cordi meo , & non Angelis ; & alibi : si quisquam tibi dicit, quando veniet Messias , noli credere.* Ita etiam dicit Angelus ad Danielem : *Observata, & obsignata, sunt omnia usque ad finem seculi.* Itaque omnes isti, qui tempus illud inquirunt, ut Rabbi Seadiah, Mo-



ses Aegyptius, Moses Gerundensis, Selomoh Iarchi, Abraham bar Ribi Hija, Abraham Zacuto, Mordehai Reato, & Isaac Abarbanel, lapsi sunt; eò quòd capacitatem humanam superare vellent, ac revelare id, quod celavit dominus. Et ipsi Danieli, qui arcanum illud de mutatione 4. Monarchiarum ostendit, etiam id incum modum revelatum fuit, ut confiteretur sibi ipsi id non intellectum. Hoc volunt indigitari antiqui nostri litera ista ׀ clausa in Esaia c. 9. vers. 6. ubi dicit למרבה המשרה *Amplificanti dominum*, quæ cum finalis sit, in medio tamen dictionis contra universalem regulam ponitur, eò quòd tempus quintæ monarchiæ erit occultum, usque ad tempus, quo incipiet.

## SECT. XXVIII.

**I**D tamen affirmare possumus, sub finem seculi futuram; atque ita loquuntur prophetae de isto seculo *sub finem dierum*: idque post multos labores

borea, ac longam captivitatem. Biliam  
etiam ita prædicit: *Video, sed non jam;  
intueor, sed non propinquum; stella Jacobi  
procedet.* Esaias cap. 24. *Projicientur  
in carcerem, ac visitabuntur post multos  
dies.* Et cap. 49. vers. 14. *Et dixit Sion:  
dereliquit me Dominus, & Dominus meus  
oblitus est mei.* Oseas cap. 3. *Filii Israelis  
multis diebus erunt sine rege, & principe,  
& post quærent Dominum Deum suum, &  
Davidem regem suum.* De ista dilatio-  
ne conqueritur Rex, & Propheta, in  
Psalmis 44. 69. 74. 77. 83. Et tandem  
psalm. 89, ubi ita finit, *Recordare o Deus,  
vituperii servorum tuorum, qui patiuntur tan-  
tas tot populorum iniurias, spernentium,  
o Domine, inimicos tuos, ac gressus tui Mes-  
sia.* Quemadmodum adhuc hodie  
dicitur, quòd, si claudus esset, jam  
venisse potuisset. Quamquam autem  
non exactè possimus ostendere tem-  
pus redemptionis nostræ, judicamus  
tamē propinquū esse. Primū quòd  
multas Prophetias videamus imple-  
tas, aliasque etiam, quæ inserviunt  
præparationi ejusdem redemptionis:

idque ex eo constat, quod, durante longâ  
 istâ, ac importunâ, captivitate, multæ  
 calamitates nobis prædictæ fuerunt  
 sub quatuor monarchiis. Dicit Da-  
 vid: *Domine, quando loquor de pace, illi  
 loquuntur de Bello. Occidimur quotidie ob  
 nomen tuum, ac habemur pro ovibus, quæ  
 maclantur.* Esaias cap. 53. vers. 7. *Du-  
 cetur, sicut ovis ad maclationem, & sicut  
 agnus coram torseribus suis: mutus fiet,  
 & non aperiet os suum.* O quam hæc  
 edocti sumus in exiliis Angliæ, Galliæ,  
 & Hispaniæ! ô quomodo probavere  
 crimina, quæ nostros commisisse di-  
 cebant mendacissimi! Nempe intere-  
 mære eos, non ob flagitia, quæ non pa-  
 trariant, sed ob opes eorum, quibus  
 inhabant. O quam benedocti fu-  
 mus omnia ista fieri providentiâ di-  
 vinâ, cò quod ista infortunia ac-  
 ciderint plerumque nono die men-  
 sis Ab, die infausto, & infelici; quo  
 etiam comburebatur primum, et se-  
 cundum Templum, & exploratores  
 flebant sine causa.

## S E C T. XXIX.

**Q**uid dicemus de horribili illo inquisitionis Hispanicæ monstro, quibus non modis sævitū est quotidie in miseros quosvis, innocētes, senes, ac pueros, omnisque ætatis ac sexus : qui cædebantur quia accusatorem latente divinare nō possent. Sed videamus, cur in omnibus locis istis, in quibus exercetur tyrannicum illius Hispani imperium, fuerint occisi, qui legē Mo-  
sis observare vellent; Illa verò quot, & quantis miraculis firmata est? & quid in ea est iniusti? quotidie videmus exempla constantiæ omni laude digna nostrum, qui ob sanctificationem nominis divini vivi cōburebantur : Sanè multi eorum, qui adhuc vivunt, testari possunt omnia illa. Anno 1603 Lisbonæ vivus comburebatur Diogo d' Assunção monachus 24 annorū, qui se in inquisitione defendebat contra nonnullos, qui Christianum natum, & Iudæum factum, ad Christianismum reducere vellent : quòd totus

mirabatur populus. Inquisitores dolentes, quòd rationes ipsius, quas allegârat, publicâssent, sententiâ volunt revocare; sed nimis iam erat ferò, quippe ea per totum orbem erat divulgata, quam et ego penès me habeo. Quæ laudes æquabunt martyriũ Domini Lope de Vera y Alarcon, qui ex nobili, et illustri, familia oriundus, et in literis Hebraicis, ac Latinis, doctissimus, nostram amplectebatur religionem, nec sufficere ratus talem se esse, aliis multis se declaravit. Anno itaque 1644, ætatis suæ 20, incarceratus Valladolidi multis lucem ostendit in obscuro tum vivens; nec magnus Doctorum numerus, nec major parentum afflictio, aut lacrimis, aut promissis, ab instituto ipsum dimovebant. Seipsum, ô actum mirabilem, ac omni laude dignum! in carcere circumcidebat, ac se nominabat Iudam credentem, ac tandem, ut secundus Isaac, flammis se obiecit, contemptor vitæ, bonorum, atque honorum, quo vitam immortalẽ, bona non pereuntia, consequeretur

anno ætatis suæ. 25.

Quamquam verò isti non ex familia Israelis oriundi gloriam illam immortalem potiore vitam suam habuerint: Nihil tamen illis ulla in parte cecidisse nostros multa exempla docent, ex quibus illud, quod nostris temporibus factum est, memoratu dignum videtur. Isaac Castrensis Tartas, quem novi, & allocutus sum, juvenis eruditus, ac in literis Græcis, & Latinis, versatus, vix Fernambucum venerat, quin, à Lusitanis captus, & Lisbonam abductus, vivus combureretur, juvenis viginti quatuor annorum, Spretis honoribus, ac divitiis; ipsi oblatis, si Christo nomen daret. Qui proditor esse aiunt, mentiuntur splendide: defendebat nimirum locum, cui præfectus erat, ut miles strenuus; quales se ostendunt nostri in locis illis munitissimis, quæ eorum fidei committuntur. Idem martyrium tulit Limæ Eli Nazareus anno 1639. 23. Januarii, postquam quatuordecim integris annis vixisset in carcere, quibus a car-

ne abstinuit, ne os suum pollueret, seque eo nomine vocabat, postquam se ipsum circumcidisset. Talis martyr etiam fuit hoc anno Thomas Therbinon in urbe Mexico.

## S E C T. XXX.

**S**I dominus verbum suum implevit in calamitatibus, implebit idem etiam in felicitatibus. Ideoque Rabbi Aquibah, ut vulpem vidit profugere è templo destructo, plorantibus sociis, risit; dicens Prophetiam illam Jeremiæ, *Et vulpes ambulabunt in eo*, impletam esse; addiditque, secutura etiam, quæ promississet Deus, beneficia. Videmus igitur, omnes Dei maledictiones, quæ in Levitico, & Deuteronomio, referuntur effectum fortitas, æquæ ac illæ de dispersione nostra ad extremitates terræ (quæ est Lusitania) ac illæ, quæ de calamitatibus istis inquisitionis, atque exiliorum intelligendæ videntur; ut docui in libro meo de Terminis vitæ: unde appa-

apparet, omnia vaticinia felicia impletum iri. Et quemadmodum nos periiimus, ita etiam corrui turam Bosra (Romam) vide Efsiam cap. 34. vers. 6.

S E C T. XXXI.

SECUNDÒ non potest eludi ratio, ob quã Deum nos ad meliora servare dicimus, quam a nostra in tot malis constantia ducimus. Moses sub finem maledictionum hæc addit: *quamvis in terris inimicorum suorum sint, non odi tamen eos; nec rejeci eos, ut consumam eos, & annihilẽm fædus, quod pepigi, Dominus enim Deus ipsorum sum.* Et sanè hæc jam impleta sunt, eò quòd in hæc captivitate, & inter hæc, quæ Iudæi patimur opprobria, multi tamen nostrum à principibus singulari quodam affectu magnificè excipiuntur. Ita D. Ishac Abarbanel, ex stirpe Davidis oriundus, Regum Lusitaniæ, ac Hispaniæ, consiliarius. Eo etiam sibi magnum acquisivit nomen, quòd lites, quæ inter Lusitaniæ Regem, ac

Vene-



Venetianam Rempublicam exortæ-  
erant composuerit: Ex illâ autem  
Abarbanelis familia, quod obiter hic  
monere volui, procedunt filij mei a  
parte meæ uxoris. Ita in ædibus filii  
ejus Domini Samuelis Abarbanel,  
ac uxoris ejus Benuenidæ, Neapoli  
educata est Dña Leonora de Toledo,  
filia Domini Petri de Toledo Vice-Re-  
gis Neapolitani, quæ nupta postmodû  
Serenissimo Duci Cosmo de Medicis,  
& Toscaniæ ducatum nacta tanto ho-  
nore Benuenidam profecuta est, quasi  
mater esset. Pax illa, quam inivere cum  
Imperatore Sultan Selim ante 75. an-  
nos Veneti, à Iudæo quodam Don  
Selomoh Rophe legato Venetias mis-  
so, ac magna cum pompâ à Ve-  
netis excepto, facta, & conscripta fuit.  
Constantinopoli magnâ valent au-  
thoritate apud Turcam, Dominus Ben  
Iaese, Anaucas, & Sonfines.

In Ægypto, Iudæi semper fuerunt  
Saraph baxas, & hodie etiamnum  
est Dominus Abraham Alholu. Quis  
nescit Dominum Iosephum Nassi, aliàs

Ioan-

Ioannem Michesium, anno superioris seculi præter propter sexagesimo sexto Ducem fuisse Nacciae, Dominum Mili, & septem Insularum, de quo vide Famianum Stradam in *Historia Belgica part. 1. lib. 5.* Ad hos verò honores evectus fuit a sultane Selimo: quemadmodum etiam a Sultane Amurat Tyberiadis gubernator factus est Iacob Aben laes, aliàs Alvaro Mendez, teste Botero in *relationibus parte 3. lib. 2.*

In Barbaria Domini Rutes fuerunt semper Sekes, Phes, & Taradantæ Anno 1609 D. Samuel Palaxe a Rege Marroci Mulai Zidan legatus missus fuit ad Ordines, ac foedus anno sequenti pepigit inter eos. Mortuus est autem Hagæ Comititis anno 1616. Funus Cellissimus Princeps Mauricius, ac nobiles comitati sunt. In Persia quanti sint, quis ignorat. Ibi ante XXX annos Elhazar secundus a Rege, ac quasi gubernator fuit. Nunc ipsi successit David Ian, cui alique etiam iuncti in aula ibi vivunt. Illud autem non o-

mitta-

mittendum, quod cū serenissimus Holsatiæ dux in Persiam legatū Ottonem Burchmannum mitteret anno 1635 a nostris Hamburgensibus Iudæis literas commendatorias ad illos, quos in aula ibi degere diximus, petierit, vt ignoto ibi ad quæque facilem viam sternerent. Quod factum etiam est. Vnde nostri in Persia muneribus ditatum Burchmannum, literisque ad Serenissimum Holsatiæ Ducem datis, quas duodecim Chuzæ, sive primates subsignarant, dimiserunt, quarum literarum exemplar mihi suppeditavit Clarissimus D. Benjamin Mussaphia, Principi familiaris.

Affirmat etiam Claudius Duretus en son *Thresor des langues* fol. 302 Iudæos ferè infinitos in Asia superesse, præsertim in India, & regem Cochini habere summum fautorem. Imo & Synagogas ipsos ibi habere tradit Linschoten, ubi de Cochino tractat, nonnullosque etiam ipsi Regi in consilium adhibitos. Pragæ Mardocheas Maisel insignia habuit ab imperatore

ratore Matthia, ac equitum ordini adscriptus. Qua etiam dignitate potitus est. Jacob Bathsebah sub imperio Ferdinandi, & complures aliæ familiæ aliis honoribus decoratæ sunt: eò quòd in hac etiam captivitate (quis credat alioquin talia) tantis pollent opibus. ut etiam inter nobilissimos favente divina providentia locum sibi vindicare audeant.

## SECT. XXXII.

**Q**Vis enumeret tot fama, ac literis illustres? doctissimus Rabinus Moses bar Maimon fuit medicus Saladini regis Aegypti. Moses Amon imperatoris Sultanis Baiafeth; Elias Montalto Serenissimæ Galliarum Reginae Ludovicæ de Medicis, ejusque insuper consiliarius. Paduæ docebat Philosophiam Elias Cretenfis, & Grammaticam Hebræam Rabinus Abraham de Balmas. Quanto verò in honore erat Romæ Elias Græmaticus. Abrahamum Kolorni omnes

mines ferè Italiæ Principes quovis honorum genere profecuti sunt, ut constat ex Epistola, quam ad eum scripsit Thomas Garzoni nella sua Piazza universale del mondo.

Picus Mirandulanus, qui dicebat, *non magno ingenio valere eū, qui sua tantum, non etiam aliena sectaretur*, alii-que Principes, præceptores habuere Hebræos. David de Pomis Pontifici Xisto v. opus suum dedicavit, qui & Authorem, et opus, comiter, ac perhumanè excepit.

Sic complures hodie videmus cupidos discendi Hebræa à nostris. Hinc videre est non dereliquisse nos Deum. Nimirum si hic nos insequatur, alter honestè, ac comiter, nos excipiet. Ac si hic princeps malè ipsos tractet, alius bene: si hic è terris suis excedere eos jubeat, invitat alius mille Privilegiis, ut fecere varii Principes Italiæ. Serenissimus Rex Daniæ, et jam Celsissimus dux Sabaudia in Nissa. Et an non videmus florere in commerciis, multumque cre-

crescere Respublicas, quæ Israelitas admittunt.

# SECT. XXXIII.

**D**icit verò Moses in ultimo suo cantico Deum ulturum sanguinem populi sui dispersi. Et Ieremias cap. 2. vers. 3. *Res sancta est Israel Domino, primitiæ frugum eius, omnes, qui devorant eum, culpabuntur: malum veniet super ipsos, dicit Dominus.* Id variorum temporum, jam inde à Nebûchodonofores, usque in hodierna, Historiæ testantur. An non corruere magnorum principum monarchiæ. Spectate mecû infelices exitus Antiochi, Pompeji, Sisibuthi, Philippi Regis Galliarum. Alonsi filii Iohannis secundi. Quam pulchre hic etiam cum quarta Generatione sua, cæso in Africano prælio cum omnibus regni sui nobilibus Rege Sebastiano: eodem in loco, in quo exulare fecit Iudæos. Magni persecutores gentis nostræ fuere Ferdinandus, & Isabella, sed

quam

quam obiit mortem hæc, quam ille, quem gener, propriique subiecti, persequabantur. Filius ejus unicus anno ætatis decimo septimo ipso nuptiarum die decessit nulla prole relicta. Filia ut regni, ita & odii paterni hæres, nolebat nubere regi Emanueli Portugalliæ, nisi & ipse nos solum vertere, ac religionem mutare, cogeret. Sed an non ipsa in puerperio Saragoci, filioque, qui necdum sesquiannum impleverat, extinctis, successio per masculos in regno Hispaniæ desit? Non ita diu est, quod Hispani quascunque arrius excogitare posset crudelitates, Mantuæ in nostros exercuerint. Quid dicemus de eo, quod Madriti an 1632. per inquisitionē factum fuit, annuentibus rege, ac regni principibus; sed eodem etiam mense Carolo infante expirante, regnum in peius ivit. Quid mirū, si Deus varia regna variis etiam modis, ac calamitatibus, castigavit: at ea de re ulterius tracto in Historia mea Iudaica. Concludamus itaque instare brevifuturum illud, ac promissum à

Deo

Deo bonum, cum videamus jam mala nos passos, quæ per Prophetas idem nobis erat minatus.

SECT. XXXIV.

**T**ertiò brevitatis temporis, quo redemptionem instare censemus, etiam eo confirmatur, quod promiserit Dominus, congregaturum se duas tribus Iudæ, & Beniaminis, ex quatuor plagis mundi, vocās eas נפוצים Nephusim. Vnde colligas etiam, ut id impleatur; segregandas esse eas per omnes orbis angulos, ut dicit Daniel cap. 12. *ש וכלות נפץ יה עם קדש Et cum dispersio populi sancti finem consequetur, omnia ista impleuntur.* Et hæc jam facta esse liquet, cum etiam Synagogæ nostræ in America inveniantur.

SECT. XXXV

**A**ddamus his id, quod dicit idem Propheta eodem cap. vers. 4. mul-



triplicem fore scientiam, eò quòd tum melius intelligentur Prophetiæ, quarum mentem vix liceat assequi, nisi post earum impletionem: sic postquã gens Ottomannorum florere cepit, intelleximus Prophetiam duarum tiliarum statutz Nebuchodonosoris everse per quintam Monarchiam secularem. Sic Ieremias, postquam tractavit cap. 30, de redemptione Israelis, & Iudæ, & de bello Gog et Magog, (cuius etiam meminit Daniel dicto cap. 12.) cùm agit de sceptro Messie filii David, de ruina gentium, de restauratione Iudæ, de sancta Hierosolyma, & de tertio templo, subjungit: *ira Dei non revertetur, donec eam executus fuerit, & erexerit cogitationes cordis sui: in novissimo dierum intelligetis illud.* Vnde sequitur id, quod diximus, instare tempus redemptionis. Et quia Ieremias in isto capite in compendium redigit omnia, quæ futura sunt; dicitur sub initium capitis, quod verbũ Domini factũ esset ad Ieremiam, dicentis, *scribe tibi omnes sermones, quos ad te locutus sum, in librum*

*librum aliquem.* Prophetiam hac ratione clariorem faciens, quod ita fecit, etiam stylo referens claro quæcunque prædixissent Prophetæ, ad imitationem Moſis, in cuius cantico ultima verba ſunt, *Cantate o gentes populum ejus.*

Ultima etiam verba, quæ locutus eſt poſtquam benedixiſſet tribubus, ſunt hæc: *Beatus es tu, o Iſrael, quis tui ſimilis eſt o popule, ſalvus in Domino, qui eſt clipeus auxilii tui, & gladius gloriatiſſis tue, & mentientur tibi inimici tui, & tu calcabis in excelsis eorum.* Unde apparet Deum ulturum ſanguinem Iſraelis effuſum. Idem confirmat Ioel cap. 4. *AEgyptus reddetur vaſta, & Edom reddetur in diſertum ſqualidum, propter vim, & iniuriam, Iudæis illatam, & quod effuderunt ſanguinem innoxium in terra ſua.* Quemadmodum igitur juſto Dei judicio puniuntur, qui nobis male volunt, ita etiam à Deo beneficiis afficientur, qui nobis favent. Et iſtæ ſunt arbores campi, quæ tunc temporis lætabuntur.

sic dixit deus Abrahamo , *Benedicam  
iis, qui benedicent tibi , & qui maledixe-  
rit tibi , eum execrabor.*

## SECT. XXXVI.

**H**Æc sunt, quæ colligere potui de hac materia, quam nemo tractavit hactenus, ex quibus sequentia hæc inferri possunt.

I. Quod Indiæ occidentales antiquitus habitatæ fuerint à parte decem tribuum, quæ ex Tartaria per fretū Anjanis, aut Chinæ eo trajecerunt.

II. Quod tribus non sunt in uno aliquo loco, sed in diversis, quia Prophetæ earum reductionem in patriam variis ex locis, Esaias verò ex octo præcipue, futuram prædixerunt.

III. Quod non redierint ad secundum Templum.

IV. Quod hodie adhuc servant Religionem Iudaicam.

V. Quod Prophetiæ de reductione earum in patriam, implendæ sint necessario.

VI. Quod ex omnibus mundi plagis convenient in duo illa loca Assyriæ, & Aegypti, domino viam facilem, amœnam, ac omnium abundantem, præparante, ut docet Esaias cap.49. & inde Hierosolymam provolaturæ sint, ut in nidos suos aves.

VII. Quod regnum earum non erit amplius divisum, sed quod 12. tribus sub uno jungentur principe, id est, sub Messia filio Davidis, quodque nunquã è terris suis expellentur.

# SECT. XXXVII.

**R**Edeco ad Montezini nostri relationem; quam, ut verissimam, omnibus aliorum opinionibus prætulerim. Quod enim a nomine Ophir Peru derivent Guilielmus Postellus, Goropius *apud Ortelium*, Bozius *de signis Ecclesiastic. lib. 2. c. 3.* Marinus *in arca Noë, P. Sa. in III Reg.* Pomarius *in Lexico*, & Poslevinus *lib, 2, Biblioth. c. 8,* probari non possit, ut rectè animadvertum Pinadæ *in Job. c. 28. p. 500.* Quid

quod ip[s]is Peruenſibus ignotum eſſe id nomen ex Garcilaſſo de la Vega docuimus! Ophir itaque India Orientalis eſt, ſi Joſepho *lib. 8. Antiq. Iud. c. 6.* & Acosta *l. 1. Hiſt. Ind.* credimus, unde Salomō aurum, ac gemmas, abſtulerit.

Quod verò celebratiſſimam illam, multumque Platoni in Critia, et Timæo, laudatam Inſulam Atlantidem Gomara *1 part. Hiſt. Ind. fol. 120.* et Zarate *in præm. Hiſt. Peru* noſtros tranſiſſe volunt, atque inde in Inſulas vicinas Barloventi tranſfretaſſe, hinc ad Terrā firmā, ac tandem in regnum Peru, et Novam Hiſpaniā deveniſſe, merito ut fabuloſum explodit, et rideret Acosta *lib. 1. Hiſt. Ind. c. 22.* ſanè Marcellius Ficinus *comm. in Timæum c. 4.* & Critiam, ut Platonem defendat, cenſet, (ac ſequuntur eum diſcipuli ejus Porphyrius, Origenes, et Proclus) omne id, quod in Critia, et Timæo, narratur, allegoricòs intelligendum eſſe.

Cananæos fuiſſe, qui cō confugerint metu Iofuæ, quis Leſcarboto credat? Neque enim ego mihi perſuaderi patiar,

tiar, regiones adeò remotas ab iis fuisse quæfitas.

Ex Norwegia, vel Hispania, venisse Peruenſes qui volunt, vel ex ſolâ formâ, moribus, et illâ linguarum diſſimilitudine, refutantur. Id verò magis falſum eſt, Iſraelitas eſſe, qui ceremonias, ac ritus ſuos, obliti ſint. Illi enim pulcro corpore, pulcriori ingenio ornatifuerunt, ut docet Doctor Ioannes Huarte in libro ſuo, cui nomen *Examen ingeniorum. cap. 14.* Deformes contrà, ac hebetiores, rudẽque omnino Indos eſſe neminem fugit. Satis ſuperque etiam a nobis oſtenſum, quanto ſtudio, ac Zelo, et linguam, et religionem, extra patriam ſervârunt Iſraelitæ.

# SECT. XXXVIII.

PLacet itaque præ cæteris Montezinus. Quemadmodum enim alij populi Iſraelitas coegere, ut montana quærerent, ita habitatâ primum Americâ à perſequentibus Tartaris

pulsi fuere usque ad montes Cordilleras, ubi ad extremum, Deo ita volente, latuere. Equidem non video, Israelitas ipsos, ceu eorum instituta cum alijs populis confero, quod magis ad veritatem accedat.

Fortè etiam olim America Asiæ non cōtigua fuit a parte septentrionali. Non absurdum adeò videtur mihi statuere, Israelitas terrestri itinere ex Tartaria Americam petiisse; ac postmodum Deum; qui servare suos vellet, alia inter miracula, etiam hoc præstitisse, ut terra inundaretur, ubi fratrum Anianis est. Quid an non etiam sine miraculo factum id casu potuit, quemadmodum non unis vicibus mare ferventiori impetu terras abstulit, & formavit in insulas. Xenophon in suis *Æquivocis* facit mentionem inundationis terrarum Ægypti, quæ contigit temporibus Herculis, & Promethei. Berosus similiter *lib. 5.* & Diodorus *lib. 6.* memorant diluvium Atticæ, in qua Athenas invenias. Plinius *lib. 2. c. 85.* & *lib. 13. c. 11.* Strabo *lib.*

*lib. 1. & lib. 12. ac Plutarchus in Alexandro inundationem Inſulæ Pharaonicæ quâ de re eleganter adeò loquitur Lucanus lib. ultimo.*

Dein quis ignorat, quot, & quantas, urbes diverſis temporibus funditus penè everterint varij terræ motus? Sueton. in *Tiberio* c. 48. ſcribit ſub Tiberio duodecim urbes in Aſia hoc pacto periſſe. Idem teſtatur Oroſius *lib. 7. c. 4.* & Dion Caſſius *lib. 57.* quanquam circa tempus varient. Tacitus *lib. 14.* & Euſebius in *Chron.* narrant deſtructionem famoſæ iſtius, ac opulentiæ, Laodiceæ. Origenes *tom. 28. in Ioan.* & Baronius *tom. 2. Annal, Eccleſiaſt. anno 340.* alios terræ motus referunt, qui varios, ac innumeros homines, & urbes, peſſûdederint. Accidiſſe id noſtris etiam temporibus memorat P. Aſconſus venerus in *ſuo Manuali temporû.*

Anno, inquit, 1638, ingens terræ motus accidit in Inſulis Terceris, maxime vero in S. Michaelis, ubi Gubernator moratur. Tantum verò inaudita illa ædificiorum, ac terræ, concuſſa terrorem intulit habi-



*tantibus, ut omnes è domiciliis aufugientes sub dio viverent. Paulo post duobus inde miliaribus viderunt mare evomere magnam ignea materia copiam, quæ densissimum ederet fumum, nubesque ipsas tegentem, ac multa projiceret saxa tantæ magnitudinis, ut rupes viderentur. Pars decidens rursum in ipso dein mari formavit insulam, quæ sesquimilliare lata, sexaginta orgyas alta, centum ac quinquaginta orgyas profunda esset. Calidior illa exhalatio, quam edebat igneus ille mons, ipsas penetrabat undas, ac tot suffocabat pisces, ut duæ naves Indicæ oneri tanto ferendo essent impares. Eadem insula duobus postannis a mari iterum penitus fuit innundata.*

### S E C T. XXXIX.

**H**Æc qui attentius considerat, non male meo iudicio, colliget fretum itidem Aniamis terram inundatam esse. Aliud etiam dubium hinc solvere est. Nempe post diluvium illud universale crevit rursus huma-

num

num genus, crevere itidem omnia animalia, quæ in arca fuere servata. Sed quo pacto tot animalium genera ex mutuo coitu, non item ex terra prodeuntia, in istas venire terras? Alia enataſſe eo, alia ab aliquibus venatoribus abducta, alia ex tellure procreata eſſe, ut in prima creatione factum, putat Auguſtinus. Sed quod animal terreſtre tantum enatet mare? An verò venatores leones, aliaque id genus animantia, eo abduxerint ſæpe magno vitæ ſuæ periculo? Et ſi Deus ex ipſa terra animalia creaffet, non juſtiſſiſſet ea Noachum in arca ſervare. Planè mihi perſuadeo eâ, quâ dixi, viâ in Americam tranſiſſe illa, quæ invenire ibi eſt, animantia, niſi quis novum hunc mundum veteri annexum ab alia parte æſtimet, ut ſentit Herrera dec 3. lib. II. cap. 10.

## S E C T. X L.

**C**ætera in Montezini noſtri relatione quod attinet, nihil docent,

quod falsum sapiat. Quod enim illud *Semah* dixere, sanè hic nostris mos est qua mundi in parte etiam vivant; ac confessionis, & religionis Iudaicæ, quasi compendium est. Revelatio illa Magorum, quos *Mohanes* vocant, convenit cum iis, quæ in IV. Esdræ videre est de miraculis, quæ præstitit Deus Israelitis Euphratem trajicientibus.

Cōditiones istas de nō revelandis alij secreti, quā qui trecentas lunas, quæ viginti quinque annos conficiunt, excessisset, vel inde veras esse patet, quod Clariss. de Laet narrat in multis Americæ partibus Indos per lunas annos suos computare. Quod secretum dicitur revelandum fuisse in campo; an non morem Iudaicum arguit, quem in Iacobo observarunt antiqui? qui à Labane discessurus uxores suas in campum convocabat.

Finio jam igitur opusculum hoc; in quo hæc mihi tantum fuit intentio, ut breviter, ac, quam fieri posset, compendiose, meam, Rabbīnorumque

sen-

sententiam declararem in ijs, quæ tractavi. Non ingratum fore hunc conatum nostrum spero, siquidem à multis viris tum genere, tum eruditione clarissimis per literas expetitū; non inutilem, siquidem Montezini Relationem, quâ potui brevitate, eo explicamus. Nomen Dei sit benedictum in æternum.

**F I N I S.**



















